



弇山堂別集小序



弇山堂別集者何王子所自  
慕也名之別集者何內之無  
當於經術政體即雕蟲之  
技亦弗與焉故曰別集也王子

弱冠登朝即好訪問  
朝家故典與闕閱琬琰之詳  
蓋三十年一日矣晚而從故相  
徐公所得盡窺金匱石室之  
藏竊亦欲藉薜蘿之日一從

事於龍門蘭臺遺響庶幾  
昭代之盛不至忘爾甫欲命  
管而病妬之既而自惟材力綿  
淺一不稱也所睹章奏竿尺  
賦頌之顛鮮足裒者二不稱也

是非小有不當流禍後世三不稱也而是時倡道者謂王子女受役於筆研以鑿性靈自是絕意不復作其他有所聞見偶書之赫蹠以數甓貯藏尋得

間出之編次成帙凡一百卷携來金陵署中梓人翁生見而異之固請付剞劂是書行異日有裨於國史者十不能二耆儒掌故取以考證十不

能三賓幙酒次以資談諧叅  
之十或可得四其用如是而已  
而翁生者乃欲強以灾木何也  
惜乎吾見若之惜於什一  
息也

秋官尚書吳郡王世貞撰



弇山堂別集序

弇山堂別集者大司寇王元美先生  
著也其稱別集者蓋元美詩文有  
弇山堂正集而此則國朝典故比一代  
實錄云翁生叔佩者剗剗精良傳布  
廣遠幾于紙貴謂不佞與元美莫逆  
交請序其首余讀而嘆曰天地剗判

以來有興衰則有理亂有理亂則有  
勸戒必得其所託而後傳信此史之所  
以作也苟非其人則或失其意或亂  
其實或析理之不通或設辭之不善  
故雖有殊功懋德非常之迹將闇而  
不章鬱而不發而擣杵嵬瑣姦回凶  
慝之形可幸而掩也故唐虞三代元

首惟明股肱惟良而執簡操筆相隨  
一堂之上者皆聖人之徒也并其深微  
之意而傳之二典三謨璿璣玉衡以察  
天封山濬川以理地同律量衡以齊民  
而君臣都俞吁咈之氣千載諳然  
至周禮一書周公定太平者燦如  
星列而周官建官之治森然可考辭

微指博論崇議閱使誦其說者如出  
乎其時求其指者如即乎其入孔子  
周人也願學周禮嘆曰郁又乎文哉  
吾從周而又假魯史以作春秋故春  
秋者禮義之大宗也夫禮禁未然之  
前法施已然之後法之所為用者易  
見而禮之所為禁者難知昔人言作

易者其有憂患乎而春秋並之矣嗣  
後秦人焚棄詩書百家競列事跡錯  
糅前後乖舛司馬遷乃鳩集國史採  
訪家乘以作史記自謂世掌其官廢  
明聖盛德不載滅功臣世家賢大夫之  
業不述墮先人所言罪莫大焉而遭李  
陵之禍幽于縲紲自比于姜里之拘陳蔡



之厄庶幾哉有春秋之遺秘書監荀  
悅作前漢紀東陽守袁宏作後漢紀  
大都以太史為宗而班固漢書繼司馬  
而作託于虞夏之典商周之誥以班氏  
言之龍門嫡子不愧其家聲者也范  
蔚宗以下一解不如一解宋遼金元卑  
哉欒卻之後降為皂隸矣元美起而

更張之其義隱而直其文諧而莊其  
志似推而實任夫元美千秋軼才而  
不得一登史館目擊朝家掌故犁然  
有概予心不容不置一喙乃又以流禍  
隱憂故自斧扆以至貂璫媿醜悉陳無  
所袞鉞以俟夫後世君子同心者易尋  
吹毛者難見顧其中藏三尺之器毫

不可奪不亦隱而直乎一典之異令人  
色飛一事之奇令人頗解幕中嘖笑  
輦下滑稽間一有之而殿閣嚴廊公  
卿將相之事則居多焉含法旨于恢  
詞寓正言于詭語莞爾塵談毅然狐  
史斯不亦諧而莊乎元美之言曰子長  
不絕也史記絕矣即後世而有子長亦

不能成史記近代官師郡邑其名不雅馴  
章奏竿牘賦頌之類鮮足哀者元美推  
而不居以為自有主者我以其才為所欲  
為縱橫自放於史例之外別立一體其  
於子長以意師之不可稱龍門之大宗  
乎乃曰才力綿淺所謂赤也為之小矣  
誰則信之是元美之志似推而實任

也余反其言曰異日有裨于國史者最  
其大也耆儒考證其次也賓筵以資  
談詁特其餘耳余習元美嘗竊窺  
其青箱則尚有弇園識小錄三朝首  
輔錄觚不觚錄權幸錄朝野異聞此  
枕中之秘尚不以示人也夫孔子學周  
禮而作春秋司馬遷叙高帝本紀謂

得天統而承三代皆重昭代也元美之才  
之學駕陵千古以國朝而有元美在元  
美何可無茲集哉昔王大司馬公謂  
元美與汪伯玉皆良史才當修國朝史  
書不佞可從兩公之後元美聞而言曰此  
指闊疎不敢望萬一有之其為希世之大  
業無疑也哉今元美業為之矣異日盡

出其秘發醯雞之覆而觀天地之全則我  
明有良史矣奚必待詔金馬門紬天祿  
石渠之書而後成哉藏之名山傳之其  
人通邑大都此不刊之書也不佞樂為之  
序兼請所貝于元美云 萬曆庚寅冬  
日五嶽山人沔陽陳文燭撰



弁山堂別集目錄

太末翁良瑜叔珮梓

卷之一

皇明盛事述一

卷之二

皇明盛事述二

卷之三

皇明盛事述三

卷之四

皇明盛事述四

卷之五

皇明盛事述五

卷之六

皇明異典述一

卷之七

皇明異典述二

卷之八

皇明異典述三

卷之九

皇明異典述四

卷之十

皇明異典述五

卷之十一

皇明異典述六

卷之十二

皇明異典述七

卷之十三

皇明異典述八

卷之十四

皇明異典述九

卷之十五

皇明異典述十

卷之十六

皇明奇事述一

卷之十七

皇明奇事述二

卷之十八

皇明奇事述三

卷之十九

皇明奇事述四

卷之二十

史乘考誤一

卷二十一

史乘考誤二

卷二十二

史乘考誤三

卷二十三

史乘考誤四

卷二十四

史乘考誤五

目錄  
三  
卷二十五

史乘考誤六

卷二十六

史乘考誤七

卷二十七

史乘考誤八

卷二十八

史乘考誤九

卷二十九

史乘考誤十

卷之三十一

史乘考誤十一

卷三十一

帝系

帝曆

帝統

卷三十二

同姓諸王表上

卷三十三

同姓諸王表下

太祖以上郡王宗系

卷三十四

郡王表一

太祖以下郡王宗系

卷三十五

郡王表二

卷三十六

郡王表三

成祖以下郡王宗系

卷三十七

高帝功臣公侯伯表

卷三十八

永樂以後功臣伯年表

卷三十九

恩澤功侯伯表

仁宣以後功臣伯年表

衍聖公爵系表

卷之四十

追封王公侯伯表

卷四十一



公孤表

卷四十二

東宮三師表上

卷四十三

東宮三師表下

柱國表

卷四十四

贈公孤宮臣表

卷四十五

內閣輔臣年表

卷四十六

翰林諸學士表

講讀學士表

中書省表

四輔官表

卷四十七

吏部尚書表

南京吏部尚書表

卷四十八

戶部尚書表

戶部總儲尚書表

南京戶部尚書表

卷四十九

禮部尚書表

南京禮部尚書表

卷之五十

兵部尚書表

南京兵部尚書表

卷五十一

刑部尚書表

南京刑部尚書表

卷五十二

工部尚書表

南京工部尚書表

卷五十三

都察院左右都御史表

南京都察院左右都御史表

大都督府左右都督同知僉事表

卷五十四

吏部左右侍郎表

南京吏部左右侍郎表

卷五十五

戶部左右侍郎表

南京戶部左右侍郎表

卷五十六

禮部左右侍郎表

南京禮部左右侍郎表

卷五十七

兵部左右侍郎表

南京兵部左右侍郎表

卷五十八

刑部左右侍郎表

南京刑部左右侍郎表

卷五十九

工部左右侍郎表

南京工部左右侍郎表

卷之六十

通政使表

南京通政使表

大理寺卿表

南京大理寺卿表

卷六十一

御史中丞表

總督漕運都御史表

左右副都御史表

卷六十二

南京都察院左右副都御史表

都察院左右僉都御史表

南京都察院左右僉都御史表

卷六十三

國子監祭酒表

南京國子監祭酒表

總督宣大軍務表

卷六十四

總督三邊都御史表

總督兩廣都御史表

南京守備協同參贊大臣表

卷六十五

親征考

卷六十六

巡幸考

卷六十七

親王祿賜考

各府祿米

諸王公主歲供之數

卷六十八

命將考上

卷六十九

命將考下

卷之七十

謚法考一

卷七十一

謚法考二

卷七十二

謚法考三

卷七十三

謚法考四

卷七十四

謚法考五

卷七十五

證法考六

卷七十六

賞賚考上

卷七十七

賞賚考下

卷七十八

賞功考上

卷七十九

賞功考中

卷之八十

賞功考下

卷八十一

科試考一

卷八十二

科試考二

卷八十三

科試考三

卷八十四

科試考四

卷八十五

詔令考一

卷八十六

詔令考二

卷八十七

詔令考三

卷八十八

詔令考四

卷八十九

兵制考

市馬考

卷之九十

中官考一

卷九十一

中官考二

卷九十二

中官考三

卷九十三

中官考四

卷九十四

中官考五

卷九十五

中官考六

卷九十六

中官考七

卷九十七

中官考八

卷九十八

中官考九

卷九十九

中官考十

卷之一百

中官考十一

斯集刊于南京國子監前買者須認  
仁山翁氏兩金堂賣書處三字為記



弁山堂別集目錄終

弁山堂別集卷一

吳郡王世貞元美著

皇明盛事述叙

不佞生晚當累洽之季而又家世從纓紱後竊有志  
慕說古公卿將相之盛屈指西京以還若功臣之族  
鮮通籍者計獨有外戚王馬梁竇之屬雖鼎貴不足  
道而丞相徹侯父子相繼僅絳條韋平兩三氏而已  
東京尚行誼薄華腴玄纁羔鴈施自黃耆辟書徵輪  
偏於白屋而關西之楊汝南之袁乃亦有四世爲三  
公者西晉之習流爲江左蔓西北魏門蔭相籍爵封

通及一夫秉軸則乘朱且垂百輪九命弁冕則戴貂  
詎止十輩而李唐之史猶有志宰相世系者宋之郊  
恩三事而下推蔭必數十百指援薦亦不可勝數至  
於元而真王徹侯三師三公以至三省之長非鐵木  
之懿親則亦怯薛之華胄閥閱朱紫雖若蟬綿而駢  
毳羶腥亡足稱述我 明之世文武判隔濁涇清渭  
貴極冕弁者不參政紀齒自縉紳者靡開茅土經術  
弛於純綺崇顯局於賢科以故視前代小遜焉爰若  
和氣磅礴淵源流衍雖義取側微材由自奮而門積  
膏華踪若憑倚至乃德祉互凝君臣交契或蚤附風

雲或恒依日月祿位名壽顯融令終代不乏人人不  
乏遘要亦有可紀者夫侈庶彙之繁生則思坤輿之  
厚偉修鱗之孳育則羨海王之廣以 高帝之功德  
超駕堯舜 文皇之疆宇遠踰漢唐 皇仁既宏  
聖壽復高維城裸將繩匕振匕其爲盛事豈前代可  
擬故畧叙一二冠之篇首庶使談者知所本云  
皇明盛事述一

太祖功德

高皇帝闢乾轉坤功隻萬古又有古創業之主所不  
敢望者四享天下三十一年一也

聖壽七十有一二也自江左併中原三也  
太子諸王二十四人公主一十六人皆受冊封四也  
於乎盛哉

### 成祖功德

成祖文皇帝自起事至下京師凡大小百餘戰未嘗  
不身冒矢石即位之後四征北虜三下南交舟車之  
地無間大小遠邇悉奉琛幣若榜葛刺滿刺加忽魯  
謨斯等處新受 朝命爲王者殆三十國東逾遼水  
韃靼女直野人兀良哈之地立行都司衛所設官統  
治幾三百處直西部落數百種皆重譯來附其請置

官府蓋三之二西南羗夷建宣慰宣撫安撫司及軍  
衛郡縣增益數百

自古討西南夷未有生得其王者獨是時下安南得  
僞大虞上皇黎季犛即胡僞虞國主黎蒼即胡僞越  
上皇簡定僞越王陳季獮錫蘭山國王亞烈苦納兒  
蘇門答刺前王弟蘇幹刺

古西南夷國王未有來朝者獨其時淳泥國王麻那  
惹加那乃來朝闕下卒於京子遐旺受封闕下滿刺  
加國王拜里迷蘇刺又蘇祿國東王巴都葛哈即刺  
西王麻哈即刺葛刺麻丁峒王叭都葛巴刺卜古麻刺

卷之一  
三  
朝國王幹刺義亦敦奔俱來朝受封爵

自古封止中國山川而獨其時封日本山曰壽安鎮  
國山淳泥山曰長寧鎮國山餘折枝國滿刺加國山  
俱曰鎮國山各立御碑凡北討及迴鑿所至如靈顯  
翠秀等山神應等十二泉立馬等五峰諸壑谷坡甸  
岡巘川圃磧戍之類皆錫以嘉名勒石垂永

各國貢物自金銀犀象香藥珊瑚玳瑁鶴頂龜筒諸  
器皿外鳥則有孔雀火雞紅白鸚鵡倒挂駝鳥獸則  
有麒麟白鹿白象紅猴黑熊黑猿白麂福祿馬哈刺  
六足龜白獺而中國亦自兩進騶虞人則有金衣銀

衣人黑小廝香則各色龍腦奇南蘇合油布則兜羅  
綿紅撒哈刺八者藍靛木黑蕪蔓番沙紅絞節智杜  
花頭乍蓮花織人象之類玳珠寶石奇怪之物充牣  
天府

二子即天位

宣宗章皇帝二子長爲

英宗睿皇帝次爲

恭仁康定景皇帝

英宗再正位

英宗皇帝一爲

太上皇帝朔漠一年居深宮七年再改元為正統天  
順踐

天子位總二十三年故劉文安定之輓詩曰享國三  
十年

高帝並臨朝八閏

太宗同

再正東宮

憲宗以正統十四年為皇太子以景泰三年封沂  
王以天順元年更御名復為皇太子凡兩赦  
藩王登極

太祖高皇帝以吳王登極

成祖文皇帝以燕王靖難登極

景皇帝以郕王監國登極

世宗肅皇帝以興世子登極

穆宗莊皇帝以裕王登極

慈闈重慶

正統

太皇太后張氏 皇太后孫氏弘治

太皇太后周氏 皇太后王氏正德

太皇太后王氏 皇太后張氏至嘉靖初

壽安皇太后邵氏 昭聖皇太后張氏 章聖皇太后蔣氏 莊肅皇后夏氏蓋四宮並尊矣

藩國之盛

熙祖凡四子

仁祖最幼長 壽春王次 安成王次 蒙城王

仁祖四子

上最幼長 南昌王次 盱眙王次 臨淮王

太祖二十四子 懿文太子及

文皇帝外為 秦愍王爽國西安 晉恭王岡國太

原 周定王肅國太原 楚昭王貞國武昌 齊王

專國青州廢 潭王辛國長沙隳 魯荒王亶國

兗州 蜀獻王春國成都 湘獻王百國荊州隳

代簡王圭國大同 肅莊王英國并州移蘭州 遼

簡王直國遼東移荊州 慶靖王每國韋州移寧夏

寧獻王桂國大寧移南昌濛 岷莊王便國

雲南移武岡 谷王惠國宣府移長沙廢 韓獻王

公國平涼 潘簡王墓國潞安 安惠王盈國平涼

無子 唐定王亞國南陽 郢靖王東國安陸除

伊厲王彝國河南至六世典英

成祖四子自

仁宗外為 漢王高昉初國雲南繼青州不行移樂

安陔 趙簡王高遜國彰德 皇少子高義未之

仁宗十子自

宣宗外 鄭靖王瞻爰國鳳翔移懷慶 越靖王瞻

庸國衢州未行無 斬獻王瞻良未國 襄獻王瞻

善國長沙移襄陽 荆憲王瞻岡國建昌移蘄州

淮靖王瞻奧國韶州移饒州 滕懷王瞻豈國雲南

未行 梁莊王瞻白國安陸無子 衛恭王瞻延國

懷慶無子除

宣宗二子景

英宗七子自

憲宗外 德莊王晃湊國濟南 許悼王晃享未之

除子 秀懷王晃討國汝寧無子 吉簡王晃浚國長

沙除忻穆王晃白未之國 徽莊王晃市國鈞州魯

載倫廢

憲宗十四子

孝宗及未名長子外 悼恭太子祐亟 興王諱

國安陸後尊 岐惠王祐俞國德安無子 益端王

祐賓國建昌 衡恭王祐軍國青州 雍靖王祐取

國衡州無子 壽王祐畜國保寧移德安無子 汝

王祐亨國衛輝季除王祐舜國沂州無子榮莊

王祐區國常德 申懿王祐皆國叙州未行無子

孝宗二子自

武宗外 蔚悼王厚肅未之國無子

睿宗即 興王諱長 岳懷王未名薨追贈

世宗八子自

穆宗外 哀冲太子載夏 莊敬太子載顯 景恭

王載川國德安無子 穎殤王載嗣 戚懷王載嗣

薊哀王載貴 均思王載風 俱天

穆宗四子自

今上外 憲懷太子羽 靖悼王羽 俱天 潞王羽

國衛輝

今天下存者大國凡二十四盛哉無論唐以後不世  
昨土即漢中葉所餘無幾寧能媲美於我明也

宗室之盛

隆慶萬曆之際宗室蕃衍可謂極矣宗伯昔為革削  
司寇嚴其條禁以故時損時益而其見在者余得而

志之秦 高皇帝子陝西七安府親王一位在省永

壽王一位鎮輔奉國將軍一百七位鎮輔奉國中尉  
五百七位郡縣主二百四十二位庶人一百四十九



名晉山西太原府親王一位在省寧化等王二位平陽西河等王四位共一十二位鎮輔奉國將軍一千八十五位中尉二千二百位郡縣主君一千五百一十位庶人一百七十名周河南開封府親王一位在省永寧等王四十六位鎮輔奉國將軍一千三百四十九位中尉二千五百五十九位郡縣主君一千二百六十五位庶人一十五名楚湖廣武昌府親王一位在省永安等王六位鎮輔奉國將軍一百九十八位中尉六百四位郡縣主君四百四十七位庶人四名魯兗州府親王一位在府鄒平等王八位鎮輔奉

國將軍一百六十位中尉一百七十位郡縣主君二百四十九位庶人六名蜀成都府親王一位在省內江等王六位澧州華陽王共二十七位鎮輔奉國將軍四十六位中尉七十二位郡縣主君五十六位庶人無代大同府親王一位在府廣靈等十王蒲州山陰等二王澤州宣寧四王絳州靈丘王一位忻州定安王一位共一十八位鎮輔奉國將軍一千二百七十九位中尉一千三百四十位郡縣主君一千三百三十位庶人一百五十名肅陝西甘州衛親王一位在衛淳化等王五位鎮輔奉國將軍六位中尉位

郡縣主君八位庶人一名遼荊州府親王奪在府長  
陽等王九位鎮輔奉國將軍一百八位中尉一百五  
十位郡縣主君一百二十位庶人十名慶寧夏衛親  
王一位在衛真寧等王六位鎮輔奉國將軍六十一  
位中尉五十六位郡縣主君五十七位庶人六名寧  
江西南昌府親王奪在省樂安等王三位鎮輔奉國  
將軍二百七十六位中尉二百六十五位郡縣主君  
三百二十四位庶人四十四名岷湖廣武岡州親王  
一位在州安昌等王一十位寶慶江川王一位南渭  
王一位共一十二位鎮輔奉國將軍九十位中尉十

五位郡縣主君七十三位庶人無韓陝西鞏昌府親  
王一位在府襄陵等王一十七位鎮輔奉國將軍四  
百三位中尉五百八十六位郡縣主君六百四十三  
位庶人二十九名潘山西潞安府親王一位在府陵  
川等王一十六位鎮輔奉國將軍二百四十二位中  
尉二百二十位郡縣主君二百七十六位庶人十三  
名唐河南七陽府親王一位在府新野等王三位鎮  
輔奉國將軍二十二位中尉十五位郡縣主君三十  
五位庶人無伊河南河南府親王奪在府方城等王  
二位鎮輔奉國將軍二十八位中尉二位郡縣主君

二十二位庶人二名 文皇帝子趙河南彰德府親王一位在府臨漳等王八位鎮輔奉國將軍一百八十六位中尉一百十七位郡縣主君二百八十三位庶人三名 昭皇帝子鄭河南懷慶府親王一位在府東垣等王四位鎮輔奉國將軍六位中尉五位郡縣主君三位庶人三名襄湖廣襄陽親王一位在府棗陽等王四位鎮輔奉國將軍十二位中尉十位郡縣主君十位庶人無荆湖廣蘄州親王一位在州樊山等王五位鎮輔奉國將軍三十八位中尉四位郡縣主君二十八位庶人一名淮江西饒州府親王一

位在府永豐等王一十三位鎮輔奉國將軍三十四位中尉二位郡縣主君三十一位庶人無 睿皇帝子德山東濟南府親王一位在省臨朐等王五位鎮輔奉國將軍七位中尉無郡縣主君五位庶人無崇河南汝寧府親王一位在府懷安等王三位鎮輔奉國將軍七位中尉無郡縣主君七位庶人無吉湖廣長沙府親王一位在府長沙等王二位鎮輔奉國將軍四位中尉無郡縣主君四位庶人無徽河南鈞州親王奪在州太和等王一十五位鎮輔奉國將軍三十七位中尉無郡縣主君二十七位庶人無 純皇

帝子益江西建昌府親王一位在府金谿等王十二位鎮輔奉國將軍九位中尉無郡縣主君十一位庶人無衡山東青州府親王一位在府玉田等王共十四位庶人無滎湖廣常德府親王一位在府惠安等王四位鎮輔國將軍九位奉國及中尉無郡縣主君一十五位庶人無靖江郡王一位廣西桂林府在府輔奉國將軍十五位鎮輔奉國中尉七百十二位郡縣主君七十四位庶人一十四名共郡王二百五十一位鎮輔奉國將軍七千一百位鎮輔奉國中尉

八千九百五十一位郡主縣主郡君縣君共七千七十三位庶人六百二十名而未封未名者與齊府之與高墻之庶皆不與焉更二十年而其麗當不億矣固千古所未有也於乎盛哉

### 慶成王百子

慶成王生一百子俱成長自封長子外餘九十九人竝封鎮國將軍每會紫玉盈坐至不能相識而人皆隆準極異事也

### 皇太后父

英宗初尊

皇后孫爲 皇太后父會昌伯忠存

今上初尊

皇后陳爲 仁聖皇太后父固安伯景行存

皇貴妃李爲 慈聖皇太后父武清伯偉存近古所未有

### 公侯子尚主

高帝時駙馬尚公主多以公侯子弟充之而不甚拘年貌易代以後漸選之民間而甚至駙馬之父若職官則進級而俾令致仕此大不可曉也今按洪武皇長女臨安公主駙馬李棋太師韓國公李善長長子

第二女寧國大長公主駙馬梅殷汝南侯思祖子第五女汝寧公主駙馬陸賢吉安侯仲亨子第八女福清公主駙馬張麟鳳翔侯龍子第九女壽春公主駙馬傅忠穎國公友德子第十一女南康公主駙馬郭鎮武定侯英子懿文太子女江都公主駙馬耿璿長興侯炳文子太宗長女永安大長公主駙馬袁容右都督衍洪子第三女安成大長公主駙馬宋琥第四女安成大長公主宋瑛俱西寧侯晟子第五女長公主駙馬沐昕西平侯英子英宗第二女嘉善長公主駙馬王增靖遠伯驥孫第四女崇德長公主駙

馬楊偉興濟伯善孫

勛臣國戚

今諸王國親例不得爲在京文武職官而不知

高皇帝假干城之寄重維城之固其意殊不爾也按  
魏國公徐達三女一爲文皇后一爲代王妃一爲安  
王妃鄂國公常遇春女爲懿文皇太子妃衛國公鄧  
愈二女一爲秦愍王次妃一爲齊王繼妃永平侯謝  
成女爲晉恭王妃宋國公馮勝女爲周定王妃定遠  
侯王弼女爲楚昭王妃安陸侯吳復二女一爲齊王  
妃一爲唐定王妃信國公湯和女爲魯荒王妃涼國

公藍玉女爲蜀獻王妃靖海侯吳高女爲湘獻王妃  
武定侯郭英二女一爲遼簡王妃一爲郢靖王妃右  
都督袁洪女爲岷莊王妃右都督馮誠女爲韓獻王  
妃內郭英二女一爲王妃子爲駙馬而妹又爲高  
廟惠妃袁洪一女爲王妃而子亦爲駙馬  
右二則皆勛臣兼戚里爲一時之盛而制亦與後稍  
異

南直隸盛事

吾南直隸文獻之盛惟江浙二省差足雁行至於  
帝胄國封則固不可同年而語矣今按

太祖 太宗 仁宣 英景 憲 孝 武 世  
穆及 今上 凡十葉 十二帝 興 睿二贈帝  
建文一出帝秦晉周楚齊潭魯蜀湘代肅遼慶寧岷  
谷韓潘安唐郢伊虞吳衡徐漢趙鄭越蘄襄荆淮滕  
梁衛德許秀崇吉忻徽岐益衡雍壽汝涇滎申景潞  
親王五十五國後先秦十二王晉八王周九王楚九  
王齊一王潭一王魯六王蜀十一王湘一王代八王  
肅七王遼八王慶八王寧四王岷七王谷一王韓十  
一王潘六王安一王唐八王郢一王伊七王虞一王  
吳一王衡一王徐一王漢一王趙七王鄭五王越一

王蘄一王襄七王荆八王淮六王滕一王梁一王衛  
一王德四王許一王秀一王崇五王吉五王忻一王  
徽四王岐一王益四王衡四王雍一王壽汝一王涇  
一王滎二王申一王景一王今潞王凡三百二十一  
王郡王秦則永興保安興平永壽安定邵陽渭南臨  
潼晉則高平慶成寧化平陽聞喜和順永和廣昌交  
城陽曲西河方山臨泉雲丘寧河徐溝太谷河中襄  
陰安溪靖安旌德滎澤新化周則汝南順陽新安祥  
符永寧汝陽鎮平宜陽封丘羅山內鄉胙城固始原  
武鄆陵河陰項城潁川泌陽義陽臨汝沈丘魯陽臨

湍堵陽河清新會義寧平樂崇善海陽安定曲江博  
平汾西魯山信陵邵陵萊陽東會富陽會稽浦江麗  
水應城益陽奉新南陵京山華亭寶坻湯谿瑞金商  
城臨安柘城修武安吉汝寧彰德順慶保寧儀封安  
昌遂寧楚則巴陵永安壽昌崇陽武陵黔陽通山通  
城景陵岳陽江夏東安大冶緡雲保康武岡齊則樂  
安長山平原魯則安丘鉅野鄒平樂陵東阿東甌郟  
城館陶翼城滋陽七信高密歸善新蔡東原蜀則華  
陽崇寧靖江崇慶永川羅江黔江內江通江德陽石  
泉汶川慶符江安南川代則廣陵潞城山陰襄垣靈

丘宣寧懷仁隰川昌化定安博野和川寧津棗強饒  
陽樂昌吉陽溧陽進賢河內富川寶豐碭山新寧永  
慶肅則淳化鉛山汾川金壇會寧延長開化會昌延  
安遼則長陽遠安巴東潛山宜都松滋益陽湘陰衡  
陽應山宜城枝江沅陵麻陽衡山蘄水肅寧長垣光  
澤廣元靖寧真寧安化岐山安塞弘農豐林鞏昌壽  
陽延川華陰寧則臨川宜春新昌信豐瑞昌樂安石  
城弋陽鍾陵建安岷則江川廣通南渭安昌完城黎  
山沙陽唐年南安南豐建德遂安長壽綏寧南漳祁  
陽廣濟青林谷則醴陵韓則襄陵樂平臨汾褒城通



渭平利漢陰高平西德隴西寧遠長泰永福建寧長  
洲岷山長樂高淳休寧慶陽崇明長吉潘則陵川平  
遙黎城清源稷山福山靈川沁水沁源德平遼山內  
仁廣宗唐山末年宜山宿遷吳江定陶雲和鎮康安  
慶保定德化唐則新野三城新城舞陽文城承休蕩  
陰淅陽郟城衛輝伊則光陽方城西鄂萬安漢則濟  
陽臨淄昌樂淄川齊東任城海豐新泰趙則臨漳湯  
陰襄邑洛川南洛平鄉汝源廣寧昆陽廣安江寧光  
山秀水成臯鄭則新平涇陽朝邑盟津河陽信陽宜  
章繁昌廬江丹陽直仁東垣德慶崇德襄則寧鄉棗

陽鎮寧鄭城永城荆則都昌樊山富順永新德安都  
梁淮則鄱陽永豐南康德興順昌崇安高安上饒吉  
安廣信嘉興紹興建昌金華七客德則泰安濟寧臨  
朐高唐臨清寧海棠邑利津崇則瑞安慶元懷安歸  
德吉則長沙穀城徽則太和遂昌景寧建德陽城嘉  
定新昌慶雲隆平伍城太康陽夏德平滎陽懷慶咸  
平延津孟津上蔡安陽萬善益則崇仁金谿玉山安  
東舒城阜平銅陵黎丘浦陽浮河華山筠溪羅川安  
仁衡則玉田新樂高唐齊東邵陵漢陽武定平度寧  
陽昌樂壽張商河滎則福寧惠安永春富春貴溪又

廣西靖江王同藩國按自此以至將軍中尉將三萬人皆中都之聖胤也

追封王十七高王某公楊王陳公徐王馬公滁陽王郭子興中山王徐達開平王常遇春岐陽王李文忠寧河王鄧愈東甌王湯和黔寧王沐英東平王朱能河間王張玉定興王張輔定遠王沐晟平陰王朱勇寧陽王張懋定襄王朱希忠其以三代封者不載

公國十九韓國李善長魏國徐達鄂國常遇春鄭國常茂開國常昇楚國廖永安曹國李文忠宋國馮勝衛國鄧愈申國鄧鎮信國湯和潁國傅友德涼國藍

玉梁國胡顯淇國丘福成國朱能黔國沐晟定國徐景昌

侯國六十五恩親李貞延安唐勝宗吉安陸仲亨江夏周德興淮安華雲龍濟寧顧時長興耿炳文臨江陳德鞏昌郭子興六安王志榮陽鄭遇春平涼費聚江陰吳良靖海吳禎南雄趙庸德慶廖永忠南安俞通源越雋俞通淵廣德華高營陽楊璟永嘉朱亮祖宜春黃彬宣寧曹良臣永城薛顯東勝汪興祖西平沐英安陸吳復宣德金朝興安慶仇成鳳翔張龍定遠王弼靖寧葉昇永平謝成西涼濮瑛武定郭英普

定陳桓東川胡海鶴慶張翼航海張赫泰寧陳珪武  
安鄭亨鎮遠顧成永康徐忠隆平張信安平李遠成  
安郭亮豐城李彬西寧宋晟永春王寧廣平袁容富  
陽李讓寧陽陳懋安遠柳升定西蔣貴廣寧劉安昌  
平楊洪武平陳友南和方瑛平江陳豫武靖趙輔襄  
城李瑾瑞安王源咸寧仇鉞安平方銳

伯國二十六忠勤汪廣洋襄城李濬新寧譚忠應城  
孫岩忻城趙彞雲陽陳旭廣恩劉才平江陳瑄安鄉  
張興廣寧劉榮崇信費獻修武沈清永寧譚廣平鄉  
陳懷定襄郭登懷柔施聚豐潤曹義武功徐有貞宣

城衛穎彰武楊信武強楊能武靖趙輔安平吳安崇  
善王清安仁王濬慶陽夏儒

大約侯國十之九伯國十之八公國則惟一英公  
非同鄉耳其它贈公贈侯如越之胡大海郢之馮  
國用虢之俞通海泗之耿再成梁之趙德勝涇之  
陳亨榮之姚廣孝蔡之張德勝東丘之花雲崇山之  
李新霍山之王簡又臨沂之王真崇安之譚淵伯  
如景成之馬榮建平之高福萊陽之周長榮陽之  
潘毅威遠之方政沐陽之金濂不可數計也

三公十九人

太師李善長徐光祚郭勛朱希忠

太傅徐達徐光祚沐晟柳溥譚祐陳銳仇鸞徐文璧

太保陳懋朱勇蔣琬李瑾衛鎬陳珪徐文璧

三孤十七人

少師文臣徐溥楊一清徐階李春芳申時行

武臣張信

少傅除二徐楊李申已見外胡濙王鏊許國

武臣楊炳

少保除楊一清徐階李春芳申時行已見外許國高  
穀顧鼎臣胡宗憲武臣陳鏞方承裕顧寰徐文璧湯

佑賢

東宮三師四十九人

太子太師文臣自三孤已見外武臣自三公已見外  
馮勝傅友德李景隆丘福

太子太傅文臣自三孤已見外白昂毛澄

武臣藍王徐輝祖朱能柳升沐琮徐備沐崐顧仕隆  
李旻沐紹勛楊炳徐文璧

太子太保文臣自三孤已見外金濂俞士悅陳鎰陸  
完汪鋹秦金顧可學嚴訥王錫爵 武臣自三公已  
見外常昇孫恪張輓李勇顧溥朱麒譚綸柳珣王瑾

陳王謨徐鵬舉沐朝輔沐昌祚湯佑賢李言恭

內閣十五人高穀張益苗衷徐有貞徐溥王鏊楊一  
清靳貴顧鼎臣徐階李春芳嚴訥申時行許國王錫  
爵

萬曆甲申乙酉間申許王同時在閣而申爲狀元王  
爲會元許爲解元申王同會試許與申又同鄉試尤  
盛而奇

太宰十一人余燦呂本詹同詹徽倪岳楊一清陸完  
汪鋹周用胡松嚴訥

狀元十六人許觀邢寬施槃吳寬錢福毛澄朱希周

顧鼎臣唐臯沈坤李春芳丁士美申時行孫繼臯沈  
懋學唐文獻焦竑

左丞相二人李善長胡惟庸

右丞相二人徐達汪廣洋

平章軍國重事一人常遇春它平章及行省平章多  
不可紀

御史大夫三人湯和鄧愈安然

弁山堂別集卷一

弁山堂別集卷二

吳郡王世貞元美著

皇明盛事述二

父子封王

隴西恭獻王李貞子岐陽武靖王文忠黔寧昭靖王  
沐英子定遠忠敬王晟東平武烈王朱能子平陰武  
愍王勇凡三家

三代封王

河間忠武王張玉子定興忠烈王輔孫寧陽恭靖王  
懋凡三代王東平朱武烈王能子平陰武愍王勇又

再世而定襄恭靖王希忠繼之亦可稱三代也  
封三代王

洪武中中山開平岐陽黔寧永樂中河間東平薨後  
俱封王其曾祖七父三代俱追封王爵他功臣不得  
同

一門兩公

中山王首佐

太祖定天下功業爵位朝班廟享皆第一封魏國公  
歲祿獨五千石世七承襲嗣公輝祖既殉節以終次  
子增壽復以龍潛翊戴贈爵上公啟國於定一門兩

公往七對握二都兵政諸勲貴無敢埒者

又三女一為

文皇后一為 代簡王妃一為 安惠王妃

父子三公

太師英公張輔子懋復為太師俱加階特進俱勲左  
柱國俱再知 經筵事俱再監修 國史足稱東第  
之冠其次則朱保公未為太師子暉為太保孫會昌  
侯繼宗為太傅孫銘為太保僅三家

父子贈爵

令典開茅土者公贈王侯贈公伯贈侯其嗣爵者非

有奇功異能不得加贈今聊記之除前封王外元帥  
贈河間公俞廷玉長子平章政事贈號國公通海魏  
國公贈中山王徐達次子左都督贈定國公增壽都  
督同知贈蘄國公康茂才子蘄春侯贈蘄國公鐸都  
指揮初贈榮國公加贈河間王張王子英國公贈定  
興王輔次子文安伯贈文安忠僖侯輓太平侯贈裕  
國武襄公輓平江伯贈平江侯陳瑄子平江侯贈繫  
國公豫右都督贈涇國公陳亨子寧陽侯贈濬國公  
懋武進伯贈武進侯朱榮子嗣伯贈武進侯冕豐城  
侯贈茂國公李彬子嗣侯贈豐國公賢廣寧伯贈廣

寧侯劉榮子廣寧侯贈嶧國公安恭順侯贈邠國公  
吳克忠子嗣侯贈涼國公瑾會昌伯累贈安國公孫  
忠子嗣侯贈郟國公繼宗撫寧伯贈撫寧侯朱謙子  
保國公贈宣平王永慶雲伯累贈寧國公周能子慶  
雲侯贈宣國公壽

三世知 經筵再監修 國史

英公輔知

宣英二朝經筵監修

仁宣二朝實錄子公懋知

孝武二朝經筵監修



憲孝二朝實錄至曾孫公溶知

今上朝經筵監修

世穆二朝實錄亦本朝所無

父子兄弟封三國

鄂國常公遇春子茂封鄭國公以罪廢復封弟昇爲  
開國公然皆遇春功也父子兄弟封三國足稱盛事  
又衛國鄧愈子申國公鎮其國名亦有二

三代尚書

尚書宰執大臣漢則楊震四公唐則張嘉貞三相耳  
國朝尤不易得唯南京兵部尚書林公瀚七子南京

禮部尚書庭機庭機子南京禮部尚書燠僅一家

父子尚書

父子俱仕至尚書者吏部尚書兼翰林學士承旨詹  
公同太子少保吏部尚書兼都察院左都御史徽按  
詹同見任時尚書尚止三品今以其名職皆尚書故  
記之太子太保吏部尚書何公文淵刑部尚書喬新  
少保吏部尚書謹身殿大學士兼東閣大學士王公  
文南京禮部尚書宗彝刑部尚書耿公九疇太子太  
保吏部尚書裕南京刑部尚書周公瑄太子太保禮  
部尚書經南京禮部尚書倪公謙太子少保吏部尚

書岳刑部尚書施公禮太子少保禮部尚書掌鴻臚  
寺事純太子少保兵部尚書白公主太子少保禮部  
尚書翰林院學士鉞太子太保吏部尚書王公恕南  
京戶部尚書承裕南京工部尚書侯公瓚戶部尚書  
觀太子少保吏部尚書許公進南京戶部尚書誥少  
傅太子太傅吏部尚書文淵閣大學士讚太子太保  
兵部尚書論南京兵部尚書林公瀚太子太保工部  
尚書庭楫南京禮部尚書庭機南京吏部尚書王公  
華新建伯南京兵部尚書都察院左都御史守仁南  
京刑部尚書吳公洪刑部尚書山戶部尚書李公瓚

太子賓客戶部尚書翰林院學士廷相太子少保刑  
部尚書劉公璟刑部尚書訥南京工部尚書何公詔  
刑部尚書鰲凡十九家共四十一人然無俱在內閣  
及至一品者唯許襄毅進在正德中賜玉帶及三公  
華生時受伯封可稱父子腰玉耳楊少師博第四子  
俊卿今爲都督同知雖文武異途亦並腰玉內王與  
林及見子爲尚書詹許二家俱爲太宰倪氏俱爲學  
士林氏俱爲司成而許父子兄弟共四人林三代四  
人尤爲卓異

燕特贈左長馱子辱仕至刑部尚書亦可

附右都御史贈兵部尚書王忬南京刑部尚書世貞  
見少師太子太師吏部尚書楊博戶部尚書俊民

父子至三品九卿

若三品九卿則翰林院學士朱公升在時品從三子禮部右侍郎大同兵部右侍郎鍾公勗戶部右侍郎吏部尚書趙公好德工部左侍郎毅戶部尚書王公鈍戶部右侍郎淪工部左侍郎陳公壽戶部右侍郎常禮部左侍郎儀公智太子太保兵部尚書銘工部尚書黎公澄右侍郎叔林禮部左侍郎蔣公驥都察院左副都御史琳工部尚書畢公亨都察院右副都御史昭少師太子太師吏部尚書華蓋殿大學士萬公安南京禮部左侍郎翼兵部尚書兼大理寺卿程

公信禮部右侍郎翰林院學士贈尚書敏政戶部右侍郎李公暹南京戶部左侍郎益吏部右侍郎楊公守陳刑部右侍郎茂元南京吏部尚書王公俱都察院右副都御史沂太子太傅刑部尚書白公昂都察院右副都御史圻都察院右副都御史李公介兵部左侍郎昆少傅太子太傅戶部尚書謹身殿大學士謝公遷吏部左侍郎翰林院學士丕南京禮部尚書江公瀾工部右侍郎曉兵部右侍郎邊公鏞都察院左都御史憲右副都御史憲禮部尚書劉公春右副都御史彭年南京工部尚書董公越大理寺卿天錫

都察院右副都御史王公珣右副都御史崇文都察院右副都御史孫公鏐禮部尚書陸都察院右都御史劉公洪右副都御史臬刑部尚書楊公志學兵部左侍郎守謙太子太保兵部尚書王公憲都察院右副都御史汝孝兵部左侍郎陶公諧右副都御史大順吏部右侍郎大臨少師太子太師吏部尚書華蓋殿大學士嚴嵩工部左侍郎世蕃以嵩刑部左侍郎劉公玉南京工部右侍郎慤都察院右副都御史吳公瀚通政司通政使三樂兵部尚書王公邦瑞南京刑部右侍郎正國大理寺卿汪公文盛南京吏部尚

書宗伊少師吏部尚書楊公博兵部左侍郎俊民兵部尚書李公燧僉都御史材亦可附見

三代三品九卿

都察院右副都御史孫忠烈公燧南京禮部尚書文恪公陸南京禮部右侍郎鋌吏部左侍郎鏞先大父用檢公為南京兵部右侍郎先父民應公為都察院右都御史兼兵部左侍郎而貞不肖亦忝南京刑部尚書次則少師大學士徐文貞階子太常卿球孫常卿元春

三代司馬中丞

先大父以正德甲戌擢右副都御史先父以嘉靖庚

戊擢右僉都甲寅轉右副都至右都兵左侍貞不肖亦以萬曆甲戌忝轉右副都與先大父前後相去六十年俱轉侍郎皆兵部

三代大司成

林文安瀚子庭機孫燠俱爲國子祭酒三代國師惟王儉有之近世罕見

三代翰林

林文安瀚爲編修庭機爲檢討燠亦爲檢討至學士三代翰林亦國朝所無

四代尊官

刑部尚書劉公廣衡子湖廣左布政使喬七子刑部左侍郎玉七子南京工部右侍郎懋二品三品合四代亦近世所無

父子文選郎中

黃公孔昭子備成化弘治中俱爲文選郎中皆久任

父子翰林

父子同在翰林者唐應奉肅侍講之淳胡閣學廣檢討種金閣學 幼孜檢討達王學士直檢討積曹學士鴈修撰恩倪學士謙學士岳楊中允鼎學士時暢商殿學輅侍講良臣鄒少詹濟禮部右侍郎兼左庶

子幹焦殿學芳侍讀黃中劉閣學宇編修仁謝殿學  
遷學士丕江學士瀾修撰暉楊殿學廷和修撰慎倫  
諭德文叙諭德以訓孫中允陸諭德鉉晁洗馬慄庶  
吉士東吳陳殿學以勤學士于陞張殿學居正編修  
嗣修七撰懋修內胡氏金氏曹氏皆以蔭叙得之而  
倪公父子光學尤爲盛事

父子提學

父子提學凡八家北直隸御史顧潛河南副使慶圭  
湖廣僉事蔡潮雲南副使雲程貴州僉事劉彭年湖  
廣副使起宗山東副使楊博河南副使俊民廣西僉

事袁袞山東副使尊尼廣東僉事潘息陝西副使允  
哲湖廣副使喬世寧浙江僉事因阜江西副使金賁  
亨福建副使立敬

父子同科

會稽陶大順前名大壯舉癸卯順天第九人回籍復  
舉戊午浙江第四人又與子允淳嘉靖乙丑同榜御  
史蕭廩榜其門曰畿省兩舉經魁父子同科進士先  
君同年陸主事杲與子尚書光祖同順天丁酉

子先父登進士

子先父登進士者成化戊戌楊少師廷和又三年辛

丑父僉憲春嘉靖丙辰包憲副樞芳曾尚書省吾又  
三年巳未包之父郎中汴又三年壬戌曾之父叅議  
璠萬曆庚辰董禮部嗣成又三年癸未父給事道醇  
五世甲科

仁和江玘子瀾孫曉曾孫圻玄孫鐸巴縣劉規子春  
孫彭年曾孫起宗玄孫世賞凡五世甲科

父子贈官一品

父子生前無俱一品者贈則有之太子太保儀智太  
師銘太子太保鄒濟少保幹太子太保許進太子太  
保誥少師讚太子太保林瀚少保廷梈太子太保李

瓚太子太保廷相實以尚書贈者三家耳若儀鄒二  
公以三四品得之則東宮恩也

勛臣累世不絕謚

東平朱武烈王能子平陰武愍王勇七子太師莊簡  
公儀七子太傅恭僖公輔七子太傅榮康公鳳七從  
子定襄恭靖王希忠太傅忠僖公希孝

文臣父子賜謚

父子俱得謚者凡十五家朱忠定復榮原濬儀文簡  
智忠襄銘鄒文敏濟康靖幹王毅愍文安簡宗彞周  
莊懿瑄文端經耿清惠九疇文恪裕白恭敏圭文裕

鉞倪文僖諱文毅岳王端毅恕康僖承裕許襄毅進  
莊敏誥文簡讚恭襄論林文安瀚康懿庭楫孫忠烈  
燧文恪陞陶莊敏諧文僖大臨楊康惠志學恪愍守  
謙又宋忠肅崇祿仕元而子文恪訥按倪父子同謚  
文允爲卓絕

武臣父子同謚忠

河間忠武王張王子定興忠烈王輔文安忠僖侯輓  
威遠忠毅伯方政子南和忠襄侯瑛

祖孫尚書

祖孫至尚書者工部尚書薛公祥南京兵部尚書遠

工部尚書王公永壽少師吏部尚書瓊兵部尚書孫  
公原貞南京吏部尚書需太子賓客戶部尚書劉公  
中敷太子少保吏部尚書機若太子太保兵部尚書  
劉莊襄公天和蔭孫守有至太子太傅左都督掌錦  
衣衛事雖文武異途而皆至文銜一品亦可附見

祖孫三品九卿

刑部尚書劉公廣衡刑部左侍郎玉兵部右侍郎喬  
公毅少保太子太保吏部尚書宇工部右侍郎贈禮  
部尚書黃公孔昭禮部尚書綰禮部左侍郎李公嘉  
兵部左侍郎震都察院右副都御史曹公鳳南京工



部尚書亨兵部左侍郎贈尚書陶 莊敏公諧吏部右  
侍郎贈尚書文僖公大臨

兄弟封爵

贈郢國公馮國用宋國公勝楚國公廖永安德慶侯  
永忠贈虢國公俞通海南安侯通源越雋侯通淵江  
陰侯贈江國公吳良靖海侯贈海國公禎鞏昌侯贈  
陝國公郭子興武定侯贈營國公英歸仁伯陳友富  
懷恩伯友直陳諒弟也沐春西平侯弟晟襲進封黔國  
公弟昂左都督贈定邊伯弟昕駙馬都尉英國公贈  
定興王張輔文安伯贈文安侯輓太平侯贈裕國公

軌嗣魏國公徐欽贈定國公景昌恭順侯兄克忠廣  
義伯管者贈遵化伯克勤昌平侯贈潁國公楊洪武  
強伯贈武強侯能已上各自積戰功開茅土而輔輓  
軌三人爲尤盛沐氏亦幾焉彭城伯張景惠安伯昇  
慶雲侯周壽長寧伯或瑞安侯王源崇善伯清安仁  
伯濬昌國公張鶴齡建昌侯延齡係戚畹若泰安伯  
張富安定伯容高平伯谷大寬永清伯大亮皆闈人  
推恩者也附記於後

兄弟尚主

永樂中西寧侯宋晟子琥瑛一時尚公主拜駙馬都

尉相繼嗣父爵鎮守甘肅

兄弟尚書

南京工部尚書蔣公昇少傅太子太傅戶部尚書謹  
身殿大學士冕太子少保戶部尚書石公玠少保太  
子太保吏部尚書武英殿大學士瑤南京戶部尚書  
許公誥少傅太子太傅吏部尚書文淵閣大學士讚  
太子太保兵部尚書論太子太保工部尚書林公庭  
梯南京禮部尚書庭機係魏按許氏既三人而少傅  
宮保復腰玉尤人間所希

少保吏部尚書文淵閣大學士彭公時太子少保禮

部尚書翰林院學士華少師太子太師吏部尚書華  
蓋殿大學士費公宏少保太子太保禮部尚書翰林  
院學士案工部尚書掌大理寺楊公守隨南京吏部  
尚書守陞南京禮部尚書李公機南京兵部尚書遂

係魏

兄弟三品九卿

少保彭公時尚書華工部右侍郎禮大理寺卿章公  
格都察院右副都御史律吏部右侍郎楊公守陳南  
京吏部尚書守陞工部尚書守隨都察院右副都御  
史周公季麟右都御史季鳳少師太子太師吏部尚

書華蓋殿大學士楊公廷和兵部左侍郎廷儀禮部尚書汪公俊吏部左侍郎偉少保太子太保禮部尚書席公書吏部右侍郎春吏部尚書羅公欽順都察院右副都御史瑛吏部右侍郎歐陽公鐸禮部尚書德南京工部侍郎塾都察院右副都御史劉公渠及臬南京戶部尚書張公珩戶部右侍郎玘工部左侍郎郭公蓋南京工部右侍郎盤少師大學士徐公階南京刑部右侍郎陟都察院副都御史萬公潮禮部侍郎浩通政使汪公宗元南京吏部尚書宗伊兵部尚書

陳公瑞右侍郎省都察院右副都御史陶公大壯吏部右侍郎大臨若南京兵部尚書劉龍第左僉都御史夔都察院右僉都御史高捷第少師中極殿大學士拱禮部尚書陸樹聲第右僉都樹德右副都御史張檜第右僉都御史綸南京工部尚書翟公瑄第人常鄉瑛一則大九鄉堂上而非三品一則正三品而非九鄉大堂亦可附見

吏部左侍郎孫公鐘南京禮部右侍郎銓通政使徐元氣弟兵部侍郎元泰

### 兄弟翰林

兄弟三人入翰林者凡二家王編修璉贊善璉侍講璉在洪武永樂間汪尚書俊以學士侍郎偉以侍讀

太常卿佃以侍講在弘治正德嘉靖間  
若二人入翰林沈學士度庶子絜周庶子述編修孟  
簡彭學士時學士華楊學士守陳學士守陞費學士  
宏學士宋許編修讚檢討誥孫中允紹先檢討紹祖  
劉學士龍檢討夔秦中允鳴夏學士鳴雷何學士洛  
文檢討洛書張編修嗣修七撰懋修內沈氏以善書  
薦然在翰林供奉俱三十年實爲史職周雖從昆季  
然同年及第 上御批云兄弟齊名古今罕比而費  
氏宏姪懋賢及第爲宮贊子懋中爲庶吉士張氏居  
正居首揆而嗣修兄弟復以及第凡三人亦一時盛事

### 兄弟賜謚

文臣彭文憲公時文思公華楊文懿公守陳康簡公  
守隨周僖敏公季麟康惠公季鳳費文憲公宏文通  
公案凡五家而周爲同產武臣則江國吳襄烈公良  
海國襄毅公禎陝國郭宣武公子興營國威襄公英  
邠國吳壯勇公克忠遵化僖敏伯克勤太傅慶雲周  
恭和侯壽太保長寧榮僖伯或定襄朱恭靖王希忠  
太傅忠僖公希孝若兄弟三人賜謚者文臣許莊敏  
公誥文簡公讚恭襄公論武臣西平沐惠襄侯春黔  
國公定遠忠敬王晟定邊武襄伯昂定興張忠烈王

輔裕國勇襄公軌文安忠僖侯輓而皆同產尤為奇絕

### 庚辰首甲兄弟

萬曆庚辰第一甲第一人江陵張懋修兄敬修第二人漢陽蕭良有弟良譽第三人華州王庭譔弟庭諭皆同科進士又同胞也古今所稀

### 叔姪尚書

從父猶子相繼至尚書者屠宮傅瀟宮保僑章宗伯懋司空拯張大司馬時徹大司馬邦奇閔少保珪宗伯如霖閔禮書楷刑書煦

### 叔姪封爵

洪武初歸仁伯陳友富懷恩伯陳友直姪歸德侯理以降附封又景泰天順間石亨以忠國公總禁兵而姪彪以定遠侯為征西前將軍鎮大同楊洪總禁兵封昌平侯及弟武強伯能從子信封彰武伯為西北大將

### 父子同時大位

國朝分宜在相位而子為侍郎然是蔭官耳若萬文康安以少師居者揆而子翼為兵部右侍郎李文敏廷相為南吏侍父瓚為右副都林公庭機為南大宗

伯子爜爲北少宗伯武臣則李貞爲恩親侯而子文忠封曹國公昌平侯楊洪與子左都督俊同總京營兵馬差可記也

父任內閣長吏部子孫登第

父見任內閣而子及第者弘治乙丑謝文正子丕正德辛未楊文忠子慎萬曆丁丑張文忠子嗣修庚辰懋修成進士者正德戊辰焦少師子黃中嘉靖癸未楊文忠子慎丙戌費文憲子懋賢甲辰翟文懿子汝儉汝孝隆慶戊辰陳少傅子于陞萬曆丁丑呂文簡子興周庚辰張少師子嗣修張少傅子嘉徵癸未少

傅次子甲徵申少保子用懋孫成進士者成化丁未萬文康孫弘璧見任吏部尚書而子成進士者嘉靖己未吳太保子紹武進士第一者隆慶戊辰楊襄毅子俊卿可謂一時之盛然成化以前皆無之

婦翁與壻同在大位

國朝婦翁與壻同時大位者洪武初宋國公馮勝以大將軍北討而壻鄭國公常茂叅其軍事正德中周文端經爲太子太保禮部尚書壻曹元以太子少保兵部尚書入閣孫需爲南京吏部尚書壻費宏爲太子太保武英殿大學士陳金爲少保左都御史壻蔣

冕爲少傅謹身殿大學士太子太傅成國公朱儀守  
備南京三十年而壻太子太傅魏國公徐備代之又  
洪武中劉學士三吾預機密而壻趙勉爲戶部尚書  
以勉累得罪嘉靖中吳太保鵬爲吏部尚書而壻董  
公份爲學士無何亦遷部尚書

父子兄弟有文名

弋陽汪鳳以進士至參政而子郎中傑大宗伯俊少  
宰偉太常佃高科有文行吾郡皇甫重慶錄博雅而  
子鄉進士冲按察洵汭工部濂俱以古文辭名於世  
又青州馮按察裕子鄉進士惟健行人惟重郡倅惟

敏光祿卿惟訥亦庶幾焉其詞翰彪曠自謂逾於貂  
珥之連綿也惟重子至儀爲按察副使孫琦爲侍講  
公侯父在受封

洪武中李文忠以浙江行省平章封曹國公而父貞  
以恩親侯進封如之胡顯以都督僉事封梁國公而  
父泉以致仕都督封亦如之永樂初鄭亨以都督僉  
事封武安侯父用以致仕千戶封亦如之

嘉靖初南京兵部尚書王守仁封新建伯封其父南  
京吏部尚書華如之又宣德初會寧伯李英封其父  
右都督南哥亦如之南哥降虜也

孤鄉封父

內閣則黃公准李公賢楊公廷和父封少保劉公翊  
嚴公訥父封太子太保李公春芳父封少傅張公四  
維父封少師獨張公居正父自少保少師以至加特  
進左柱國凡四膺 誥命封尚書則彭公時劉公吉  
內淮翊及嚴公李公皆得歸政終養彭公父毓義後  
公七年始卒而二李彭揚二張俱首揆尤爲卓絕  
尚書則吏部屠公瀟郭公朴梁公慶龍戶部黃公福  
賈公應春高公燿兵部白公圭翁公萬達楊公博張  
公學顏刑部開公濟張公子麟工部胡公松曾公省

吾南京兵部則王公守仁禮部則林公濂王公封伯  
見前內瀟父封太子太傅子麟慶龍父封太子太保  
熈父庭機自爲尚書其他尚有未及封或封止三品  
者

嘉隆萬之際吏部則郭公內閣則嚴公李公二張公  
咸父母具慶尤爲一時之盛而李公狀元及第時見  
其祖父子孫罷相時又見其父子孫曾江陵張公封  
其父母僅六十餘士林以爲羨談

若恩禮之盛新都公以封少保公老疾乞歸不許特  
詔遣醫馳驛問疾賜少牢上尊白粲寶鈔令守臣存



問興化公父沒治塋外加二祭江陵公父沒加三祭  
命子編修及司禮太監代治喪遣官祭塋

一門高第

謝文正遷以解元會魁中狀元而子丕復以解元會  
魁及第倫諭德文叙以會元中狀元而長子通參以  
諒復領省解次子祭酒以訓會元及第此其最盛者  
也黃行人乾亨子御史如金伍參政子都御史符  
史僉事俊子尚書道毛文簡紀子太僕渠張侍郎志  
淳子副使合俱父子解元曾狀元鶴齡孫追費狀元  
宏從子懋中羅文莊欽順從子瑄俱進士及第孫文

恪陞及第而子鋌鄉薦第一鑛會試第一陞兄堪武  
會舉第一至都督劉尚書龍祖副使潔父刑部鳳儀  
俱鄉試第四人龍及子郎中承恩俱第二人葛少保  
守禮與其孫庶吉士曦俱山東解元若兄弟高科如  
永樂甲申周庶子述長史孟簡同科及第正統景泰  
中彭文憲時中狀元文思華中會元然是從弟兄耳  
楊文懿守陳尚書守陞劉文簡春參政台王文莊鴻  
儒布政鴻漸俱解元而守陞春復及第其三兄俱謚  
文楊光祿惟聰已卯解元辛卯狀元而兄庶子惟傑  
丙戌及第尤爲盛事吾州王宮保錫爵經魁會元及

第而第鼎爵復會試第五人宮保子衡北京鄉試第  
一人江陵張嗣修第一甲第二人第懋修第一甲第  
一人王刑侍宗沐以春秋中第三人而子郎中士琦  
知州士崧知縣士昌俱連以春秋中第五人俱成進  
士

三代甲科同時俱在

少師太學士萬安戊辰子南京禮部右侍郎翼丙戌  
孫翰林庶吉士弘璧丁未致仕提學僉事楊春辛丑  
子少師大學士廷和戊戌孫翰林修撰慎辛未南京  
兵部尚書林瀚丙戌子右參政庭楫巳未孫禮部主

事炫甲戌撫州知府林春澤甲戌子戶部右侍郎應  
亮壬辰孫提學副使如楚壬戌禮部尚書董份辛丑  
子南工科給事中道醇癸未孫禮部郎中嗣成庚辰  
三代俱無恙

弁山堂別集卷二

弁山堂別集卷三

吳郡王世貞元美著

皇明盛事述三

父子兄弟貴盛一時

嘉靖初 武宗實錄完少保大學士費公宏進少師  
從第編修家進左贊善從子懋中進修撰而子懋賢  
復爲庶吉士隆慶初徐公階以少師當首揆而第陟  
爲南少司寇長子璠以太常卿掌尚寶司次子瑛少  
子琨俱爲少卿歸後孫元春舉進士亦爲光祿少卿  
楊公博以師傅位太宰而子俊民以會魁歷提學太

僕少鄉後至侍郎俊鄉鄉武會第一至錦衣衛都指揮後至都督同知俊士舉進士一子鄉舉餘蔭叙又二人沒後俊鄉子元祥十九舉進士爲翰林檢討萬曆初張公居正太師當揆而子懋修爲儀部郎嗣修榜眼敬修狀元爲翰林編修上撰簡修爲錦衣衛指揮同知景泰中楊潁公洪以昌平侯挂鎮朔大將軍印鎮宣府從子信以都督同知充宣府左參將從弟能以都督僉事充宣府右參將子俊以左都督總三千營兵馬領 勅候有聲息爲後繼寧遠伯李成梁以太保鎮遼東子如松以都督僉事鎮宣府如栢以

都督僉事充外摠兵李損以 都指揮使掌南鎮撫可謂文武一時一家之盛張後闔門削奪楊氏俊嗣侯信能皆封伯

郭氏子孫蕃顯

武定侯營國威襄公郭英兄弟四人長早卒次子興以軍功封鞏昌侯贈陝國公謚宣武次德成福建都指揮姊爲 高皇帝妃子十二人鎮銘鏞鑑鑰銓錡鈺鈔鑰鋼鑰鎮駙馬都尉尚永嘉公主銘遼王府典寶追封武定侯鏞中軍都督府右都督鑑中都留守司副留守鏞散騎舍人鈺贈承德郎尚寶司丞鈔旗

手衛指揮使女九人長適府軍衛指揮僉事蘭瑜次  
適濟寧衛指揮使戈某次遼王妃次適府軍衛指揮  
僉事趙斌次郢王妃次適金吾右衛指揮同知范聚  
孫男二十有八琮琰璧璿瑾珉瑤瓊璟玘瑋瑗璉璣  
璵琬琰餘尚幼琮府軍衛指揮僉事琰爲都督同知  
襲武定侯珉尚寶司丞瑤梁王府典寶曾孫登爲名  
將封定襄伯贈侯女爲 仁宗昭皇帝貴妃公之勲  
名祿位雖未敢上躋汾陽而子孫之盛殆有光於昔  
矣

### 門宗仕宦

一門科第祿位之重弘治正德間無過於鄞縣楊氏  
者吏部右侍郎詹事府丞守陳南吏部尚書守陞工  
部尚書掌大理寺事守隨廣西右布政使守隅皆昆  
季也刑部右侍郎茂元按察使茂仁皆守陳子也靈  
寶之許則太子少保吏部尚書進士子少保吏部尚  
書文淵閣大學士讚南京戶部尚書誥太子太保兵  
部尚書論及諸子孫爲郡守曹郎登科甲者又十餘  
人福州之林自郡守元美子南京吏部尚書瀚七子  
太子太保工部尚書庭楫南京禮部尚書庭機庭楫  
子通政司參議炫庭機子南京禮部尚書爌建昌知

府煙及他蔭叙者亦不下數人吳江之吳尚書洪子尚書山叅政巖知府崑諸孫行太僕卿邦楨曾孫布政承燾餘鄉貢士凡五人餘姚之孫副都御史贈尚書燧子都督僉事堪尚寶卿墀南京禮部尚書陞堪子都督同知鈺陞子禮部侍郎鈺刑部侍郎鏞布政使鏞太常少卿鏞子進士如法墀子亦舉鄉試鉛山之費少師大學士宏少保尚書案伯父叅議瑄宏子武選懋賢從子修撰懋中工部郎中懋良四川之劉御史規子尚書春叅政台春子副都御史彭年彭年子行太僕卿起宗子布政使世賞台子叅政鶴年

後有右都御史世曾蔭叙者亦數人若宗黨貴盛一時者嘉靖間少宰歐陽鐸大宗伯德少司空塾少保必進太僕卿衢都御史重御史席餘丞郎守令數人少司馬潘珍潘旦少司空希曾大司空鑑大司馬潢及會稽之陶叅議懌司馬都憲諧少宰學士大臨南大宗伯承學布政使幼學叅政大年都御史大壯布政使大順憲副大有尚寶丞允淳主事允宜隆慶間同時八進士而薦鄉科者又十餘人

### 闕里恩澤

洪武初年衍聖公孔希學來朝詔襲封予誥還其祭

田備禮器樂器樂舞置屬官管勾典籍司樂各一員  
會班亞丞相十七年子訥嗣來朝特賜一品織文誥  
命白玉軸每歲入覲得給符乘傳班序文臣首洪熙  
元年彥縉來朝賜第東安門北景泰三年賜三臺銀  
印玉帶麒麟服六年子弘緒嗣入朝賜玉帶以軀小  
去二胯授之俾藏焉又範金爲圖書其文曰謹禮崇  
德以賜天順元年入朝 上見便殿握手置膝上與  
語改賜大第給三氏教授印開生員歲貢格蠲孔氏  
田租弘治中加廟祭禮樂景泰弘治嘉靖隆慶四幸  
學衍聖公率三氏子孫觀禮公賜大紅織金仙鶴羅

紗帽金廂犀束帶三氏各冠帶有差

又衍聖公次子一人爲子思後得世襲五經博士而  
嫡系在衢州者亦得世襲五經博士還其西安祭田  
五頃在河南者世襲國子學正又族之賢者一人世  
爲曲阜知縣後先給復其家人五百名

未樂中其宗人孔諤以會試副榜第一人見 皇太  
子特授左春坊左中允後改御史天順中其宗人公  
恂自禮科給事中超拜爲詹事府少詹事

義門恩澤

浦江鄭氏有恩裔錄予節其略筆之以見

祖宗風勵天下之意洪武十四年爲內藏金銀事發連鄭氏以義門故釋之家長鄭濂鄭湜面見擢湜福建左叅政吏部奏無見缺添設左叅議授之二十六年詔鄭氏子弟三十以上者來見擢鄭濟左春坊左庶子伴 太孫三十年起取天下稅戶鄭沂入見授禮部尚書以其從子幹爲御史永樂十二年御史七十二歲進平胡詩稱旨乞歸 上曰教翰林院寫勅書禮部宴他用正官陪教坊伎樂陸辭賜金繡衣楮帛幹薦從子堪可用 上曰御史舉也除御史後累遷大理寺丞永樂十七年北京初受賀致仕御史幹

及弟致仕長史楷來朝賜宴及楮幣與爲善陰隲二部 上曰他家人多與二十部十九年翰林檢討鄭叔美以告病例爲民 仁宗立與子弟來朝 上顧長者非鄭檢討乎何爲冠平巾呂震以故對 上特詔予冠帶致仕各賜鈔二千貫給驛舟還家

### 王氏奇蹟

萬曆中吾州王錫爵以會元及第四十餘而至少宗伯抗時相直節重天下與其弟提學副使鼎爵歸省父封詹事夢祥母吳淑人俱無恙女曇陽子以貞節得仙白日昇舉後五載服初禫召入爲文淵閣大學



士天下艷之

番將子孫兄弟勲烈

未樂中番將吳允誠來歸居涼州累功封恭順伯長子克忠進封侯孫瑾嗣侯克忠瑾俱以殉節開公號賜美謚次子管者以都督累功封伯少子克勤復以都督同克忠殉節封伯賜謚雖日碑之盛不得專於前矣故拈出之

三番將種

未樂虜酋阿魯台嘗受 國家印誥爲太師和寧王後敗於他部見殺其子阿卜俺只來歸仕至左都督

子勇以和爲姓累功封靖安伯子孫世錦衣衛指揮阿魯台時忌其別部王也先土干來歸封忠勇王累加至太保卒無子甥把台從封忠勇伯賜姓名蔣信卒子善嗣羅秉忠沙州左都督困即來子累功封順義伯皆酋長貴種也故志之

師弟同居內閣

李文達賢以吏書學士入內閣而薛文清瑄以禮侍學士繼之李公薛公之講學門人也楊少師廷和爲靳宮保貴座主靳公又嘗受業楊少師一清二楊先後入皆同官近袁少傅煇爲少師徐公階督學所取

士少保江陵張公居正爲徐公教習庶吉士弘治乙丑少傅謝公遷廷試讀卷已丑與是科進士翟公鑾同居內閣正德庚辰少保石公珪以禮侍主考丁亥罷相是科進士張公孚敬實代之張公加至少師而主考李公廷相猶爲侍郎嘉靖戊戌分宜以禮書知貢舉辛酉與是科及第進士袁公煒同居內閣若經房取士年位相邇者所不論也

文臣一時十玉

陸文裕玉堂雜筆謂正德二年內閣李公東陽爲少師焦公芳王公鏊俱加少傅冢宰許公進大司馬劉

公宇宗伯李公傑司寇屠公勲司徒顧公佐司空李公鏐皆賜玉帶尋屠公瀟以太子太傅掌都察院孤卿十玉帶以爲奇事然武廟以左班皆老臣而服色不稱故賜玉耳不爲奇也景泰三年吏部王公直禮部胡公澂俱以少傅內閣陳公循高公穀兵部于公讓俱以少保兼宮秩戶部金公濂都察院王公文俱先爲太子太保吏部何公文淵兵部儀公銘刑部俞公士悅工部石公璞都察院陳公鎰王公翱俱以易儲加太子太保蓋一品而玉者十三人正德末內閣楊公廷和梁公儲兵部王公瓊俱少師內閣蔣公

冕少傅毛公紀吏部陸公完都察院陳公金俱少保  
刑部張公子麟工部李公鏐都察院王公璟俱太子  
太保一品十人賜王者戶部鄭公宗仁禮部毛公澄  
又二人尤爲一時之盛

內閣六相

未樂初內閣七人如解公輩初以六品後稍進爲五  
品而已宣德元年楊公士奇以少傅黃公准以少保  
楊公榮以太子少傅金公幼孜以太子少保楊公溥  
以太常卿尋黃公移疾去而進尚書陳公山張公瑛  
凡六人景泰末陳公循高公穀王公文俱以少保蕭

公鏐江公淵以太子少師商公輅以兵部左侍郎隆  
慶初徐公階以少師李公春芳郭公朴以少傅高公  
拱以少保俱內閣而陳公以勤張公居正以尚書侍  
郎入未幾加保傅等官蓋前後滿六人者三而已

二相同時極品

正德四年李公東陽首揆焦芳次之七年李公仍首  
揆楊廷和次之十四年楊公首揆梁儲次之皆少師  
太子太師吏部尚書華蓋殿大學士而楊與梁又皆  
特進左柱國四公皆同年爲一時之盛而焦以阿附  
中官見時詆正統三年楊公士奇楊公榮皆少師又

同姓然一爲兵書華蓋殿學一爲工書謹身殿學嘉靖三十六年夏公言嚴公嵩俱爲特進少師太子太師吏部尚書俱華蓋殿唯夏至上柱國小異耳二公同鄉而好不終

翰林十五學士

天順初

上擬學士多以陳汝言十八學士語解按此時內閣李文達賢呂文懿原彭文憲時并李紹黃諫林文劉定之皆學士倪謙錢溥爲講讀學士僅九人弘治中吳文定寬以禮書梁文康儲王太宰華以少詹俱兼

學士楊少師廷和以坊學兼讀學武少卿衛張太常芮江文昭瀾劉文肅忠劉太宰機俱光學楊太常時暢爲讀學時有翰林十學士之稱并內閣劉李謝南京張東白元禎爲十四人固已盛矣嘉靖戊午內閣自三大學士嚴徐李外禮部則吳尚書山茅侍郎瓚袁侍郎煇吏部則郭侍郎朴詹府則李右侍郎機太常則嚴少卿訥李少卿春芳董少卿份俱光學翰林則秦讀學鳴雷高講學拱并南京吏部王學士用賓掌院全講學元立凡一十五人蓋前所未有萬曆十四年內閣申許二王公爲中極武英文淵東閣大學

士禮部尚書沈鯉兼翰林院學士吏部左侍郎掌詹事府周子義吏部左侍郎沈一貫吏部左右侍郎朱金庭王弘誨詹事徐顯卿少詹事張位俱兼侍讀學士于慎行爲侍讀學士陳于陞爲侍講學士合之得十三人亦庶幾焉

林下九相

宣德初內閣大臣俱在位正統元年少保黃公淮太子賓客胡公儼居林下二人景泰元年無天順元年苗公衷及少保高公穀乞歸成化元年少保陳公循武功伯徐公有貞自赦所歸侍郎許公彬三人弘治

元年少師萬公安罷與太子太保劉公珣太子少保彭公華尹公直凡四人正德元年尹公直一人嘉靖元年少師劉公健梁公儲少傅謝公遷劉公忠王公鏊楊公一清五人唯梁公初罷歸其餘皆以名德存問隆慶元年少傅李公本太子太保嚴公訥二人萬曆元年李公改姓爲呂及嚴公少師徐公階李公春芳前少師高公拱少傅郭公朴陳公以勤少保殷公士儋太子太保趙公貞吉凡九人皆一品腰玉逍遙林下尤前代所無

壬子浙江三仁

浙江壬子舉人爲餘姚孫公鏖錢唐胡公世寧餘姚王公守仁宸濠之變胡公以按察副使指其漸孫公以巡撫右副都御史殉其節王公以提督右副都御史勘其亂胡至太子太保兵部尚書贈少保謚端敏孫贈禮部尚書謚忠烈王封新建伯贈侯謚文成御史周汝貞合而祀之曰三仁祠

### 浙江三大功臣

洪武三年庚戌御史中丞劉基以謀策功封誠意伯天順十四年己巳兵部尚書于謙以靖亂功加少保正德十六年辛巳南京兵部尚書王守仁以擒叛功

封新建伯文臣中最爲灼然者皆浙人劉贈太師于贈太傅王贈侯皆在易世論定之後於事尤奇

### 壬戌首甲三相

首甲三人無俱至尚書者惟嘉靖壬戌二十二年中第一人申時行今爲少師中極殿學第三人余有丁至少傅建極殿學第二人王錫爵今爲太子太保武英殿學光絕前古

### 內閣三元

萬曆乙酉內閣首揆申公時行壬戌狀元次揆許公國辛酉解元三揆王公錫爵壬戌會元而皆南直隸

近代所無

三省長官同鄉

洪武初中書省長官左丞相李善長右丞相徐達平章軍國重事常遇春大都督府長官右都督馮勝御史臺長官左御史大夫湯和右御史大夫鄧愈十年以後中書左丞相胡惟庸右丞相汪廣洋大都督府左都督李文忠右都督馮勝御史臺左大夫陳寧右大夫丁玉安然省府臺一品總攝天下機務而皆南直隸江北人蓋高帝起濠上一時賢傑雲蒸霧集從故不必借才於異地也盛矣

內閣同鄉

永樂初元選翰林臣入內閣而江西居其五曰吉水解學士縉胡文穆廣廬陵楊文貞士奇南昌胡賓客儼新淦金文靖幼孜縉廣幼孜皆吉安府而官皆僅五品景泰中陳芳洲循以少保首揆而蕭孟勤鑑以太子少師位第四二公皆泰和人也成化初陳莊靖文彭文憲時俱以太子少保劉文安定之以工侍俱兼學士在閣時無它相參之三公皆吉安人也最後彭文思華以太子少傅尹文和直以太子少保俱兼學士在閣又皆吉安人也江西吉安之盛至此後至

嘉靖夏貴溪言嚴分宜嵩俱以江西人官少師不參  
它相寵眷事寄絕埒而用郅終正德初焦泌陽芳以  
少師任華蓋殿劉鈞州宇以少傳任文淵閣然劉僅  
六日而予告又俱以附中人削其後楊文襄一清靳  
文僖貴同爲丹徒人楊以少傳靳以太子太保同爲  
武英殿學嘉靖末郭安陽朴高新鄭拱同日大拜至  
隆慶初同爲少傳吏部殿學同歲罷又嘉靖末吾直  
隸華亭徐公階以少師常熟嚴公訥興化李公春芳  
俱以太子太保同在閣凡三人萬曆末南直隸吳縣  
申公時行以少師歙縣許公國以少保在內閣而吾

州王公錫爵又以宮保繼之三公皆在大江以南則  
尤盛也申王同郡又盛也按永樂之五人僅五品成  
化之三人不登一品則吾直隸爲盛

內閣首輔太宰同鄉

我朝大政寄之內閣次則吏部正統中楊文貞士奇  
以少師首揆而王文端直拜太宰景泰中文端進加  
少傳而何盱江文淵以宮保同爲尚書陳廬陵循以  
少保居首揆四公皆江西人楊王陳又皆吉安也弘  
治劉文靖健以少師首揆而馬端肅文升以少師爲  
太宰馬致仕焦泌陽芳繼之皆河南人嘉靖嚴少師



嵩首揆而熊宮保浹萬官保鏜歐陽少保必進後先  
爲太宰皆江西人歐陽又嚴之兒女姻也其後徐公  
階首揆而滁州胡簡肅松及嚴公訥爲太宰皆吾直  
隸人張公四維首揆而王太保國光爲太宰皆山西  
人如不必首揆則棗強王公文以少保居內閣而鹽  
山王公翺以宮保居吏部淳安商公輅以戶書居內  
閣而桐廬姚公夔居吏部壽光劉公翊以太子太保  
居內閣而歷城尹公旻以太子太傅居吏部泰和尹  
公直居內閣而豐城李公裕居吏部洛陽劉公健廬  
氏耿公裕以宮保居內閣吏部丹徒靳公貴以宮保  
居內閣而同里楊公一清以少傅居吏部楊公入閣  
而長洲陸公完以宮保代之焦汾陽芳許靈寶進劉  
鈞州宇相繼居內閣吏部藁城石公瑤東光廖公紀  
俱以少保居內閣吏部鄞縣聞公淵以宮保居吏部  
而餘姚李公本自少詹入閣李公加少保而秀水吳  
公鵬入吏部蓋不可屈指數矣

蒲州盛事

蒲州楊襄毅公博以少師爲吏部尚書其子舅王公  
崇古以太子太保領宣大節楊公卒王公以少保拜  
兵部尚書其甥張公四維入內閣加太子太保王公

致仕張公遂進少保至少傅少師三孤初各得其一  
後得二而居同里閨又至親爲甚盛而奇

### 吳中盛事

會元九七人常熟施顯太倉吳鈇

即陸鈇也

長洲吳寬吳

縣王鏊吳江趙寬常熟瞿景淳太倉王錫爵

狀元凡六人吳縣施槃長洲吳寬崑山毛澄朱希周

顧鼎臣吳縣申時行又山陽沈坤原籍崑山亦當爲

七人

及第凡六人除會元二王陸瞿外又有陳祭酒鑑劉

編修瑛

內閣七人吳縣張學士益徐華蓋有貞王武英鏊崑

山顧武英鼎臣常熟嚴武英訥今吳縣中極申公時

行武英王公錫爵

東閣掌誥勅二人吳公寬吳公一鵬

伯爵一人徐武功有貞

太宰四人余公煥太子太保陸公完太子少保周公

用太子太保嚴公訥

一品十人太子太保陳公鑑太子太保俞公士悅武

功伯徐公有貞少傅王公鏊少保陸公完太子太傅

毛公澄少保顧公鼎臣太子太保嚴公訥少師今申

公時行太子太保王公錫爵又常熟宗伯李公傑郡  
城司寇劉公纓正德中賜玉帶

太子少保五人吳公一鵬周公用凌公雲翼徐公學  
謨袁公洪愈

學士十五人張公益劉公鉉陳公鑑李公傑吳公寬  
王公鏊毛公澄朱公希周顧公鼎臣陳公霽嚴公訥  
瞿公景淳申公時行王公錫爵徐公顯卿實爲光學  
者毛顧嚴三人

贈三公二人太傅王公鏊太保顧公鼎臣得謚者十  
六人劉文恭鉉韓襄毅雍陳僖敏鑑李文安傑王文

恪鏊吳文定寬毛文簡澄吳文端一鵬朱恭靖希周  
葉文莊盛周康僖倫顧文康鼎臣魏恭簡校周恭肅  
用瞿文懿景淳徐文敏縉嚴文靖訥

贈三孤三人少保陳公鑑毛公澄嚴公訥

贈東宮一品四人太子太保李公傑吳公一鵬朱公

希周周公用

尚書二十七人除已登內閣者不載外吏部余燦陸  
完周用南吏部朱希周袁洪愈楊成戶部滕思勉禮  
部楊翥吳寬李傑毛澄吳一鵬徐學謨南兵部凌雲  
翼刑部顧禮俞士悅周倫吳山南刑部吳洪顧璘劉

纓錢邦彥工部龔弘南工部程宗徐棡王世貞  
左都御史一人陳鎰右都四人韓雍盛應期及先君  
諱

贈尚書四人禮部徐縉瞿景淳兵部先君子工部王  
永和

贈太子少保二人劉纓周倫

吾郡之盛未有如庚辰以至今日者庚辛間申公時  
行居內閣而徐公學謨長禮部楊公成長南工部凌  
公雲翼以兵書督漕張公任以副都御史撫廣西林  
下則大學士嚴公訥尚書錢公邦彥徐公棡侍郎王

公錫爵而余忝南刑侍凡十人丙戌申王二公爲大  
學士徐顯卿爲少宰 韓世能爲禮部趙用賢爲右  
庶子祭酒 劉瑛爲左中允掌司經局顧紹芳徐應  
聘爲翰林檢討館閣凡八人

一郡八座三元

甲丙之際吾郡申公時行以狀元王公錫爵以會元  
居內閣袁公洪愈以解元爲大宗伯真一時之選

吾州盛事

萬曆己卯壬午南畿解元連爲吾州人陸大成吾子  
士騏又一科爲戊子王衡 復爲解元而武舉解元

爲  
崑山盛事  
徐中山亦出州衛及屬所亦一時之盛

嘉靖戊子己丑間崑山一城中爲刑部尚書周公倫子大理寺丞鳳鳴詹事顧公昂臣太常寺卿魏公校南京太常卿方公鵬光祿寺丞陸公鰲京堂凡六人而顧公以學士掌翰林院印魏公以祭酒掌國子監印方公以右庶子掌春坊印皆極一時清華之選

嚴州盛事

嚴州小郡也而成化初商文毅輅以戶部尚書翰院學士居內閣尋進太子少保吏部尚書謹身殿大學

士姚莊敏公夔以太子少保爲吏部尚書又商公以乙卯解元爲乙丑省殿元姚公以辛酉解元爲壬戌省元二甲傳臚商公自修撰超入內閣姚自給事中超拜侍郎可謂一時之盛矣

一郡同榜兩元

永樂甲申狀元曾榮永豐人會元楊相恭和人俱吉安府嘉靖壬戌狀元徐時行吳縣人會元王錫爵太倉人俱蘇州府至丁丑二公俱爲詹事府詹事兼翰林院侍讀學士王公掌府申公掌院

一郡三及第

建文庚辰狀元胡靖第二名王良吉水人第三名李貫廬陵人俱吉安府而二甲第一名吳溥第三名朱峇皆江西溥又會元也永樂甲申狀元曾棨永豐人第二名周述第三名周孟簡俱吉水人二甲第一名楊相第四名王直俱泰和人第二名宋子環吉水人第三名王訓廬陵人相又會元也七人皆吉安府而內閣學士讀卷五人解縉胡廣楊士奇胡儼金幼孜皆江西中三人皆吉安府可謂極盛

一郡三傳臚

正統丙辰第一甲第一名施槃吳縣人第二甲第一

名張和崑山人第三甲第一名莫震吳江人皆蘇州府

國初三遺老

元楊維禎為浙江儒學提舉 國初召修史年七十六而卒沈夢麟為武康尹入 國朝五司閩浙文衡一考會試九十三而卒滕克恭為翰林學士入 國朝一主河南鄉試至百餘歲而卒皆不肯屈節仕宦其耆德為 昭代之盛

金慶二郡文武分盛

國初浦江宋承旨濂義烏王待制縉金華胡教授翰

蘇編修伯衡皆以文章名天下而皆爲金華人青田  
劉中丞基毓泉章中丞溢胡郡伯深麗水葉太守琛  
亦文章士也而皆以武功顯內王胡葉三公能以死  
見節而浦江之鄭爲義門至方博士孝孺遂爾卓絕  
可謂盛而奇矣

一榜四相

大約一榜中有一相者二相三相者以四相爲盛洪  
武庚辰文淵閣大學士胡廣謹身殿大學士楊榮武  
英殿大學士金幼孜楊溥正統戊辰文淵閣大學士  
彭時華蓋殿大學士萬安劉吉謹身殿大學士劉珝

而益以吏部二尚書尹旻王恕景泰甲戌華蓋殿大  
學士徐溥武英殿大學士丘濬宮保學士彭華尹直  
而益以吏部二尚書耿裕李裕成化丁未華蓋殿大  
學士費宏謹身殿大學士蔣冕毛紀武英殿大學士  
石瑄而益以吏部一尚書陸完又石公亦拜馬弘治  
乙丑華蓋殿大學士嚴嵩謹身殿大學士翟鑾武英  
殿大學士方獻夫顧鼎臣又益以吏部一尚書聞淵  
而方公亦拜馬若至五相者則嘉靖辛丑中極殿大  
學士高拱武英殿大學士嚴訥陳以勤潘晟而嚴公  
復正吏部高公兼領之久尤爲盛事潘至中途返正

得半耳

一科六玉帶

一科中六人至一品腰玉者為盛永樂乙未少保陳循高穀太子太保陳鑑俞士悅何文淵王翱正統戊辰少師萬安劉吉少保彭時太子太傅尹旻太子太保劉珣王恕嘉靖辛丑少師高拱少傅陳以勤少保王崇古方逢時太子太保嚴訥潘晟皆六王若弘治乙丑少師嚴嵩少傅翟鑾少保顧鼎臣方獻夫張瓚太子太保聞淵顧可學凡七玉為尤盛若五玉則天順甲申少師李東陽焦芳少保閔珪太子太保劉太

夏王軾成化壬辰少師楊一清少傅劉宇少保陳金太子太保李燧王璟丁未少師費宏少傅蔣冕少保毛紀石瑄少保陸完弘治庚戌少保彭澤席書廖紀太子太保勤貴王憲亦庶幾焉

永樂丙戌一伯則王驥宣德癸丑一伯則徐有貞景泰辛未一伯則王越弘治己未一伯則王守仁嘉靖丁未一太師則張居正亦甲科之盛事也



弇山堂別集卷三

弇山堂別集卷四

吳郡王世貞元美著

皇明盛事述四

勲臣歷三公

勲臣以太師為極凡八人若李韓公善長張英公輔  
不為太傅太保朱保公永張英公懋張昌公鶴齡徐  
定公光祚不為太保以躡加故也獨翊國公郭勛初  
加太保再加兼太子太傅三加太傅四加兼太子太  
師五加太師成國公朱希忠初加太子太傅再加太  
保三加太傅四加兼太子太師五加太師二公編歷

三公近代所絕少而成公知經筵監國史贈王後諡  
尤爲絕盛

文臣徧歷三孤

文臣以少師爲極凡二十四人若吳榮襄中費文憲  
宏不爲少傅楊文敏榮萬文康安徐文靖溥不爲少  
保亦以躡加故也其徧歷三孤者蹇忠定義楊文貞  
士奇劉文穆吉劉文靖健馬端肅文升李文正東陽  
楊文忠廷和梁文康儲王恭襄瓊楊文襄一清張文  
忠孚敬夏文愍言嚴分宜嵩高新鄭拱徐華亭階李  
興化春芳張江陵居正張蒲州四維與今申吳縣時

行凡十九人內忠定文貞皆不帶宮職忠定以半歲  
中加少保少傅少師尤爲奇也分宜華亭一加太子  
太保再加少保三加兼太子太傅四加少傅五加太  
子太師六加少師江陵一加少保太子太保再加兼  
太子太傅三加少傅四加太子太師五加少師六加  
太傅七加太師遂真爲三公比諸公尤詳

文臣徧歷一品階勳

張居正初加階榮祿大夫再以恩詔加光祿大夫三  
加柱國四加特進五加左柱國六加上柱國尤爲盛  
事張辭上柱國遂以爲贈

歷封公侯伯

諸功臣有徑封公侯者無論已有自侯而公者則湯中山和之進封信傳潁川友德之進封潁藍永昌王之進封涼沐西平晟之進封黔郭武定勛之進封翊張壽寧鶴齡之進封昌是也有自伯而侯者則徐興安亨李襄城瑾陳平江豫陳寧陽懋王清遠友柳安遠升劉廣寧安吳恭順克忠薛安順貴梁保定瑤吳清平成蔣定西貴楊昌平洪方南和瑛石定遠彪孫懷寧鏗陳武平友趙武靖輔仇咸寧鉞孫會昌會宗周慶雲壽張壽寧巒張建昌延齡王瑞安源方安平

銳李武清偉皆仍故封者也王武義通之成山則徒邑者也惟張英國輔自新城伯進侯以至公石忠國亨自武清伯進封以至公朱保國來自撫寧伯進侯以至公前後領三券者僅三人其後忠國公削保國一傳至孫復爲侯而英公開國至今

出將入相

國初徐太傅達初入爲右相國出爲大將軍征吳再出爲征虜大將軍北伐入爲中書右丞相復出爲征虜大將軍鎮撫東北

正德中楊文襄一清以三邊總督入爲吏部尚書內

閣大學士致仕後落致仕復出爲三邊總督入爲少師太子太傅吏部尚書武英殿大學士楊公將相勳烈雖不敢望太傅而事頗相埒

吏兵二部正

六卿惟吏兵二部知文武選最重 本朝大臣兩爲其部尚書者吳公琳陳公銘李公煥文茹忠誠瑞馬端肅文升許襄毅進劉少傅宇陸太保完王恭襄瓊揚襄毅傅梁太保慶龍十一人而已馬公揚公俱以少傅長兵部少師長吏部尤爲隆重而楊公凡三爲兵部三爲總督再爲吏部汪榮和鎡以吏部尚書無

兵部尚書亦自卓絕李康惠承勛以吏部召未上改吏部爲兵部

文臣雄職惟吏兵二部都察院南參贊及邊方總督而已馬端肅文升歷任之劉均州宇陸長洲完爲吏部兵部都察院總督凡四任

吏部尚書入內閣

內閣居首者稱元輔太宰握銓柄爲六卿之長 國朝居此任者惟楊文襄一清而已若以太宰入閣則正德始焦芳劉宇石瑄桂萼方獻夫許瓚嚴訥郭朴凡八人焦雖至少師華蓋以長沙壓之不登首揆邇

時高拱以故相起掌吏部尋進元相掌部如故尤爲盛事按河南凡八相焦劉許郭旣嘗爲太宰高以內閣兼之李文達賢劉文靖健又帶吏部尚書銜其不與者惟賈文靖詠而已

### 文武二選

安丘黃楨以武選郎中調文選以郎署同考會試及武舉凡知文武選舉者再亦庶僚之盛際也

### 徧歷殿閣

天順以前諸殿閣除文華不以授人凡五銜一兼其官者用師傅爲次序遂終其身不復轉成化而後始

以序遷矣然無有徧歷者惟近時申吳縣時行始以吏侍兼東閣繼以禮書兼文淵三以戶書兼武英四以少傅吏書兼建極五以少師兼中極敷歷悉徧若歷三殿者則劉文穆吉徐文靖溥劉文靖健焦泌陽芳楊文忠廷和梁文康儲費文憲宏楊文襄一清嚴分宜嵩李文定春芳高新鄭拱張文忠居正凡十二人內二劉徐楊費不爲東閣而張不爲文淵閣餘皆未歷閣任者

### 臺臣敷歷督撫

部院大臣更歷督撫之多者無如王忠肅翔李襄敏

秉馬端肅文升秦襄毅紘及先君子忠肅初以右僉  
都御史自佐院出鎮守浙江還院再鎮守江西還院  
三鎮守四川參贊松潘軍務四鎮守陝西還院五以  
左副都御史提督遼東軍務還院六以太子太保左  
都總督兩廣軍務襄敏初以右僉都御史撫宣府再  
撫南直隸三撫大同四以左副都撫宣府五以左都  
出飭宣大薊遼邊備六提督遼東軍務征建州夷端  
肅初以右副都巡撫陝西再以左副都提督三邊軍  
務三以兵右侍飭遼東邊備四以兵左侍督撫遼東  
五起家左副都巡撫遼東六以右都總督漕運襄毅

初以僉都御史撫陝西謫知州再以僉都撫宣府三  
撫河南四以左副都摠漕運撫鳳陽五以右都總督  
兩廣六以戶部尚書總制三邊先君子初以右僉都  
御史經畧通州軍務再提督畿輔糧餉三巡撫山東  
四督撫浙江福建五以右副都巡撫大同六以右都  
兵侍總督薊遼三鎮其次則韓襄毅雍初以僉都御  
史巡撫江西再以僉都撫大同三以兵侍撫宣府大  
同四以左僉都御史參贊南征軍務五以右都摠督  
兩廣王端毅初以右副都撫襄南再以右副都撫  
河南三以刑左侍郎督河道四以右都巡撫雲南五

以兵部尚書巡撫南直隸洪襄惠鍾初以右副都御史巡撫順天再調雲南三調撫貴州四以右都總督漕運五以太子太保刑書左都總督四川湖廣陝西河南軍務譚襄敏綸初以右僉都御史督撫福建再以右副都撫陝西三撫四川四以兵部左侍郎摠督兩廣軍務五以右都摠督薊遼軍務

敷歷部院之多

部院長官敷歷之多者如秦端敏金兩為南兵一為戶部一為工部一為南戶一為南禮凡五部六任馬端肅文升兩為兵部一為吏部左都南兵部凡三部

一院五任耿文恪裕兩為吏部一為禮部南禮部南兵部凡四部五任顏公頤壽歷南吏戶禮北刑部左都御史凡四部一院五任周恭肅公用歷吏部南刑工部北左都南右都凡五任熊恭肅公浹歷吏部南禮部兵部都察院前後左右都御史凡三部一院五任歐陽公必進兩任工部歷吏刑部南北左右都御史凡三部二院六任今趙公錦兩歷南吏一歷禮刑部南北左右都御史凡三部二院六任

郎署至尚書不離局

戶部徐輝郁新夏原吉俱自主事郎中侍郎至尚書

夏首尾三十五年兵部劉儁徐晞亦自主事郎中侍郎至尚書垂三十年俱不得他官輝又戶部吏晞兵部吏也吏部趙新自主事員外郎郎中以至侍郎尚書四十年亦不帶他銜其在侍郎則巡撫任也周瑄自刑部主事至尚書三十餘年不出刑部僅一爲右都御史亦法司也屠濬授御史遷僉都副都左右都御史掌院以至再起吏部掌院垂三十年中間爲吏書者三年張綵授吏部主事員外郎郎中以至尚書侍郎中間爲左僉都御史者僅三月楊善十八以守城諸生爲鴻臚署班署丞寺丞卿以至禮部左侍郎

左右都太子太保興濟伯俱掌本寺凡五十四年中間掌禮部左軍都督府僅五月餘

再長中書

洪武四年太師中書左丞相李善長以韓國公致仕奉朝請十一年復與曹國公李文忠同理中書省及府臺事二年汪廣洋自右丞進右丞相七年出爲廣東行省參政十年復自御史臺左大夫進右丞相汪兩拜不爲左

四入內閣

嘉靖六年張文忠孚故入爲禮書文淵閣學八年以



少傅謹身殿學爲次揆歸至天津召入十年以少傅  
謹身殿學爲首揆歸十一年復入其年以華蓋殿學  
歸十二年復入加少師十六年夏文愍言以少傅武  
英殿學入十八年以少師首揆罷至張家灣以少傅  
召入二十年復以少師致仕候 聖誕行月餘自居  
第以少傅召入二十一年歸二十五年召以少師入  
二公凡四拜相張公後再召皆中道返蓋六被命矣  
三入內閣

正德六年費文憲宏以宮保武英殿學入九年歸十  
六年以少保召入嘉靖六年歸十四年以少師華蓋

殿學復召入凡三拜相

再入內閣

黃文簡淮洪武三十五年以侍講入內閣未樂中以  
右坊學下獄二十二年以通政使武英殿學復入楊  
文定公溥洪熙元年以太常卿學士入內閣宣德四  
年丁憂服滿守本官正統元年以禮書學士復入正  
統元年商文毅輅以侍讀彭文憲時以脩撰入本年  
彭丁憂服除守本官天順元年商去彭以太常少卿  
學士復入成化三年商以兵左侍學士復入天順元  
年李文達賢以吏侍入本年謫福建參政還爲吏部

左侍郎俄以尚書學士復入弘治謝文正遷以詹事  
學士入正德元年去嘉靖六年以少傅謹身殿學復  
入正德九年楊文忠廷和以禮書文淵閣學入九年  
丁憂十二年以少師華蓋殿學復入正德十年楊文  
襄一清以少傅武英殿學入十一年去嘉靖四年以  
少師復入六年翟文懿鑿以禮侍學士入十三年丁  
憂十九年以太子少保武英殿學復入八年桂文襄  
萼以少保武英殿學入本年致仕九年復召入嘉靖  
四十五年高新鄭拱以宗伯文淵閣學入隆慶元年  
致仕三年以少傅武英殿學復入隆慶十四年王家  
屏以吏部侍東閣學丁憂後以禮書文淵閣學入

### 再正銓部

洪武五年李信任改山西參政十五年復任成化二  
十一年盧氏耿公裕由少宰遷改南禮部弘治六年  
以南大司馬復入正德十六年太原王公瓊以少師  
大司馬戍嘉靖十年以太子太保三邊總制復入十  
四年靈寶許公讚以大司徒守制入二十年以少保  
致仕本年冬復入二十年建寧李公默以少宰遷三  
十年罷三十二年復入四十年彰德郭公朴以太子  
少保大宗伯入四十二年丁憂四十四年復入四十  
五年蒲州楊公博以少保大司馬入隆慶三年致仕

六年以少傅原官掌兵部事復入太原初以三孤之首下獄論死未減戍邊起徙中復得官保以入尤爲難事

三長戶部

梁端肅公材初爲戶部尚書丁憂歸再起再致仕降本部右侍郎三復原官加太子少保

三長兵部

王忠毅公驥初以本部侍郎陞出總西兵還復任三以靖遠伯起掌部楊襄毅公博初以薊遼總督入爲兵部尚書再以薊遼總督加少保入兵部三以致仕

少傅吏部尚書起掌兵部若再掌兵部者則唐鐸初以太常寺卿任踰七年復以刑部改任沈潛初以本官改工部尋復任茹瑞初以本官出掌布政司再以忠誠伯任余子俊初以右都御史陞任改戶部再以太子太保起任馬文升初以右都御史陞任改南京再自都察院左都任王康毅憲初以本部侍郎陞任再以太子太保左都御史起家王刑部時中初以侍郎陞任再由致仕起翁襄敏萬達初以總督尚書回部再以尚書召至則降右侍郎歸以右侍郎再遷尚書起家未上卒

九佩大將印

吳元年徐中山達以中書左相國掛大將軍印平吳  
還上之洪武元年以中書右丞相信國公掛征虜大  
將軍印北討二年還三年正月復掛印西討還四年  
復掛印往北平山西練兵還五年復掛印西征還六  
年復掛印往二地練兵八年還九年復掛印鎮守北  
平等處十三年還十六年復掛印鎮北平還十七年  
復掛印鎮北平冬還凡佩大將軍印一佩征虜大將  
軍印八自吳元年以前不佩印而摠兵者又不易指  
數也

按洪武中命大將儀 上武冠御午門百僚盛服  
陪位大將軍拜前諸將拜後先授節次授鉞訖出  
勒所部建牙鳴鼓角正行列擎節鉞鼓吹前道百  
官以次送出其盛如此恐丘淇公而後無舉此典  
者也今將軍有制有勅有銀印而無節鉞非將軍  
而摠兵者有勅有關防而無銀印

八佩將印

宣平王朱未以撫寧伯總十二營以靖虜將軍討荆  
襄賊進封侯以平胡將軍拒虜以平虜將軍拒西虜  
襲改侯以將軍印討東虜進封公復以將軍印破大

同虜世襲復以鎮朔大將軍總宣大兵加太子太師  
還總京營凡八佩將印

咸寧侯仇鸞以口辨數當重寄初掛靖虜將軍印鎮  
寧夏再以征蠻將軍鎮兩廣三以都護前將軍扈駕  
承天四以征夷將軍討安南五以平羗將軍鎮甘肅  
六以征西前將軍太子太保鎮大同七以平虜大將  
軍禦虜八以太傅總京營戎政掛印

七佩將印

卻懷僖永正德甲戌以都督僉事佩征西前將軍印  
鎮大同乙亥以鎮朔將軍鎮宣府丁丑以平虜將軍

左都督征吐會番巳卯鎮三關以征虜前將軍鎮遼  
東丙戌再以鎮朔將軍鎮宣府癸巳以都督同知充  
平虜將軍總宣大癸卯仍以鎮朔將軍鎮宣府凡八  
為大將七掛印

三為大將軍

洪武中馮宋公勝初以征西將軍伐西番以征虜將  
軍練汴晉兵再以征虜大將軍北破虜傳頴公友德  
初以征虜前將軍平蜀又以征南將軍平雲南又以  
征虜將軍北禦虜雖受賑非煩而專征斯重比之關  
平岐陽為多

三下南交

未樂間淇成二公雖元勳然未嘗專節鉞淇公征北  
敗歿成公征南病卒惟張定興輔三下安南初以新  
城侯行征夷將軍執僞虞上皇黎季犛子大虞國王  
蒼再以英國公行征虜副將軍執僞越上皇簡定三  
復以征夷將軍執僞越王陳季犛皆獻俘闕下英公  
望最重功甚多獨不得掛大將印

三下滇南

王忠毅驥初以兵部尚書兼大理寺卿總督軍務偕  
定西伯蔣貴以大軍十五萬平麓川走其叛宣慰思

任發再以靖遠伯兵部尚書總督軍務偕定西侯蔣  
貴以大軍十餘萬討思任發之子思機發獲妻孥象  
馬輜重而還三復爲總督偕都督同知宮聚以大軍  
十餘萬窮追思機發於孟養破之不能得而還凡三  
下滇南

文臣累爲督帥

王忠毅驥初以尚書提督甘涼軍務還部再以尚書  
總督討朶兒只伯三以尚書總督軍務討麓川思任  
發四以靖遠伯總督討思機發五仍討思機發六掛  
征蠻將軍印平貴州苗七總督南京守備王襄敏越

初以副都御史總督延綏等處軍務破紅鹽池虜再以太子太保尚書總督大同諸邊軍務破威寧海虜三以威寧伯總督破山東墩虜四以太子太傅總督五軍十二營兵馬五以平胡將軍總兵北征六以征西前將軍鎮守大同七以靖虜副將軍鎮守延綏八起家太子太保左都御史總督陝西甘涼寧夏延綏軍務

三總三邊

楊文襄公一清初以左副都總制三邊再以右都起總制平安化王難三以致仕少傅大學士起提督王

襄敏公越初以左副都右都御史連歲出兵關中破西伯虜再以威寧伯提督同保國公朱永破西北虜三以太子太保總制陝西三邊破西虜中間一以總兵鎮延綏

三總漕運

陶少保琰正德中以左副都御史總督漕運兼巡撫鳳陽等處地方再以原職往嘉靖初三以右都御史往

四摠河道

潘公季馴初以僉都理河道丁憂歸再以副都任

歸三以右都御史往任以宮保尚書歸四復以右都御史任

身封二國

徐太傅達初封信國公進封魏國公李太師善長初封宣國公進封韓國公

勳德文武

王新建守仁以書生建汗馬勳封伯贈侯又以勳臣得謚文成又以侯伯從祀孔子廟庭文武勳德爲我朝冠

文臣再知經筵

弘治初開經筵劉文靖德以內閣學士同知正德初則以少師知經筵隆慶初江陵公居正以內閣侍郎大學士同知萬曆初以少師知經筵事

文臣再監修國史

永樂修 太祖實錄夏忠靖原吉以戶部尚書監修  
宣德修 太宗 仁宗實錄夏公再以少保太子少傅尚書監修

兩總裁國史

宣德修 太宗 仁宗實錄楊文貞公士奇楊文敏公榮楊文定公溥爲總裁正統修 宣宗實錄復爲



總裁史成始進官文貞文敏加少師文定加少保弘  
治修 憲宗實錄劉文靖徃以侍郎學士總裁正德  
修 孝宗實錄文靖復以少師總裁隆慶修 世宗  
實錄今江陵公以侍郎學士總裁萬曆修 穆宗實  
錄復以少師總裁劉公首尾十九年尤爲盛事

### 六主鄉會文衡

王文安公英永樂丁酉以翰林侍講主應天試庚子  
癸卯復以侍講俱主順天試永樂戊戌以侍講宣德  
庚戌以左春坊大學士正統壬戌以禮部左侍郎兼  
學士俱主會試錢侍郎習禮永樂丙午以翰林侍讀

主應天試宣德壬子以侍讀學士正統戊午以學士  
俱主應天試宣德庚戌以侍讀己未乙丑俱以學士  
俱主會試二公皆六典文衡門生遍海內而文安鄉  
試連三科會試隔三戌尤爲卓絕

### 三主會試

曾少詹祭永樂戊戌以侍讀學士甲辰以原官丁未  
以左春坊大學士王文端公直宣德癸丑以少詹事  
正統丙辰以原官己未以禮侍學士徐文靖公溥成  
化乙未以少詹事辛丑以太常卿弘治庚戌以大學  
士俱主會試凡三典文衡文端連三科文靖三爲前

序而曾公復再主順天俱稱奇絕

兩主鄉會試

成化戊戌彭華以學士甲辰以詹事俱主會試仍以  
編修主乙酉應天侍讀主戊子順天鄉試弘治癸丑  
李東陽以少鄉學士己未以大學士俱主會試仍以  
侍講主庚子應天侍講學士主丙午順天鄉試嘉靖  
丁未張治以吏侍庚戌以大學士俱主會試仍以左  
中允主甲午學士主庚子俱應天鄉試天順庚辰柯  
潛以尚寶少鄉主會試癸未以原官主會試火災而  
出仍以洗馬主景泰丙子學士主己酉俱順天鄉試

兩主會試

兩主會試自彭李張三公外黃淮未樂甲申以侍讀  
宣德癸丑以致仕少保楊士奇未樂壬辰以左諭德  
辛丑以左坊學楊溥未樂丙戌以司經局洗馬宣德  
丁未以太常卿學士呂原天順丁丑以通政司左參  
議庚辰以學士萬安成化丙戌以學士壬辰以禮侍  
學士劉吉成化巴丑以侍讀學士戊戌以禮書學士  
吳寬成化丁未以右諭德弘治壬戌以吏侍學士王  
鏊弘治丙辰以侍讀學士正德戊辰以少傳大學士  
梁儲正德戊辰以吏書學士甲戌以少傳大學士靳

貴正德辛未以吏侍學士丁丑以宮保大學士石瑤  
正德庚辰以禮侍學士嘉靖癸未以吏書學士呂公  
調陽隆慶辛未以吏侍學士甲戌以宮保大學士申  
公時行萬曆丁丑以吏侍學士庚辰以尚書大學士  
許公國萬曆癸未以吏侍學士己丑以少傅大學士  
三主鄉試

永樂甲午周述以編脩主應天試宣德壬子以左庶  
子主順天試乙卯仍以庶子主順天試又以侍講主  
會試甲午鄒緝以侍講左中允主順天開科試丁酉  
再主順天試庚子主順天試三主皆順天又以己丑  
主會試主會試在前而四試皆侍講

十知貢舉

胡忠安公澂為禮部尚書自宣德丁未至景泰甲戌  
凡十為會試廷試知貢舉官古今罕有

連主鄉會試

鄉試主考官會試入為同考者有之未有主試者若  
祖宗朝則不論也按洪武辛亥司業宋濂主京畿鄉  
試其年復以司業主會試建文乙卯高巽志以太常  
少卿主鄉試明年主會試永樂乙酉侍讀學士王達  
主鄉試明年主會試丁酉侍講王英主順天試明年  
主會試宣德己酉侍讀錢習禮主應天試明年主會

試戊午翰林學士錢習禮主順天試明年主會試以後則無之若先主會試而後鄉試者則已丑鄒緝又主甲午順天丙戌洗馬楊溥又主甲午應天辛丑侍講周述壬子主順天其事尤奇

享國長久

親王享國之久者

吉簡王見浚七十一年

代簡

王桂六十九年

魯靖王肇輝六十四年

德莊王

見潸

晉莊王鍾鉉俱六十一年

岷莊王榘六十

年

潘莊王幼學五十八年

寧獻王權五十八年

周定王橚五十七年

襄憲王瞻墻

壽定王祐禧

淮康王祁鈿俱五十五年

益端王祐楨五十三年

衡恭王祐樞五十二年

勛臣久任

武臣徐中山達為將相近三十年洪武元年至其歿時掛征虜大將軍印者復十七年湯東甌和馮宋公勝為大將俱三十餘年沐定遠晟以國公掛將印守雲南三十年張定興輔末樂元年封伯及國公至歿四十七年為太師二十六年子寧陽懋九歲襲封公至歿六十七年統五軍及十二營共四十餘年為太師二十年徐興安亨自伯至侯卒五十五年朱宣平

未總十二團營兵馬爲首帥三十五年譚新寧祐天  
順元年襲爵加保傅掌禁兵至嘉靖四年始卒凡六  
十九年毛伏兔銳成化五年襲爵加宮保至嘉靖二  
年卒凡五十五年郭翊公勛自加大保至太師凡三  
十餘年總十二團營兵亦二十餘年朱成公輔守備  
南京三十四年其孫恭靖王希忠自太保至太師已  
三十年入直亦三十年十主瓊林宴代 郊天大禮  
亦三十餘次古今罕有陳瑞安韶正統十四年襲至  
弘治十七年加宮傅卒凡五十八年子鏞以十七年  
襲正德十年爲薊帥隆慶六年加以少保掌府事爲

帥五十八年享伯爵六十九年徐魏公情自襲爵至  
卒再提督守備五十四年孫鵬舉自襲至卒三提督  
守備五十六年今顧鎮遠襄總兩廣再督漕一守備  
南京一爲戎政大帥三掌府亦踰四十年享侯爵五  
十餘年張英公溶封公四十六年其加宮保至少傅  
掌府亦三十年鄭武安亨譚永寧廣任寧遠禮周太  
保尚文爲邊將垂四十年未寧八十始解任寧遠之  
解任與鄭周之卒也亦垂八十矣

蔡太保震以成化二年丙戌選以嘉靖十四年乙未  
卒凡七十年趙輝在永樂十一年癸巳以千戶守金

川門 太宗奇其貌以長公主配之凡事六朝掌都督府主 孝陵祀至成化十二年丙申卒凡六十四年尚主已二十餘二公年俱近九十時寧陽侯陳懋亦歷事 五朝二公皆享高爵窮奢極欲姬妾百餘而皆以壽終史俱異之謂得於內養云

一品考十八年

嘉靖少師嚴分宜嵩一品六考十八年又三年凡五膺勅獎諭蔭中書舍人隆慶少師徐公階一品六考滿十八年加伯爵俸 賜勅獎諭蔭子錦衣衛千戶及宴備極恩禮公蓋四膺 勅獎矣按李韓公自左

相國太師近三十年是時不考滿楊文貞自少傅至少師凡十九年九年後通不考此外無考十八年者一品考十二年

正德初少師劉公健嘉靖初少師楊公廷和各以元輔十二年楊加大傅辭 賜勅獎諭及宴隆慶末少傅太宰楊公博亦考十二年進少師歿後加特進萬曆中少師張公居正考十二年 詔以奪情之日仍唯通考爲十五年加上杜國太傅支伯爵俸給太傅四代誥命蔭子尚寶司丞其考九年者少師蹇公義楊公士奇楊公榮萬公安劉公吉馬公文升李公東

陽梁公儲凡內閣九人吏部三人

文臣久任

文臣蒞任之久者李韓公善長寶長中書省十年爲  
太師二十三年蹇忠定公義在吏部胡忠安公澗在  
禮部楊文敏公榮在內閣俱三十餘年黃忠宣公福  
爲尚書四十年楊文貞公士奇在內閣四十三年中  
間輔東宮十八年爲首揆二十年夏忠靖公原吉郭  
忠襄公資在戶部金文靖公幼孜在內閣俱二十五  
年彭文憲公時萬文康公安劉文靖公健及分宜在  
內閣俱二十年商文毅公輅兩任及劉文穆公吉李

文正公東陽俱十八年今少師華亭徐公階十七年  
太師張公居正十六年楊文定公溥陳芳洲循高文  
義公穀李文達公賢徐文靖公溥楊文忠公廷和梁  
文康公儲李少傅本在內閣俱十餘年王文端公直  
王忠肅公翱尹恭簡公旻在吏部俱十餘年王靖遠  
公驥馬端肅公文升許文簡公讚爲尚書俱二十有  
餘年

巡撫之久無過於肅愍周文襄于十八年周二十  
一年鳳翔知府扈暹任二十五年再以九年滿加從  
二品服色俸級陝西寧州知州劉綱任三十三年三

以九年滿亦加至從二品服色俸級兵科給事中傅安以洪武二十八年使西域留滯者十二年未樂五年始歸十四年封別失別里納里失罕爲王見羈北虜留滯者復九年宣德元年始歸給勅命賜老而已前後爲給事中三十二年留虜二十一年白首生還去蘇卿不遠也

文臣腰玉年久

一品橫王文臣得之往七遲暮以故無甚久者余所知者劉文靖徃三十一年嚴少師嵩二十七年謝文正遷二十九年王端毅恕二十二年楊文貞士奇二

十年徐少師階三十三年呂少傅本三十四年

直廬應制年久

世宗於西苑躬醮事一時文武大臣後先賜直廬於無逸殿廡俾供應青詞門聯表疏之類庶務從便取裁後先凡二十人然多有遷革及物故者獨少師嚴嵩以辛丑入至壬戌始出凡二十年少師徐階以己酉入至丁卯出凡十九年太師成國公朱希忠入同嚴出同徐凡二十五年首尾恩賜最爲優渥而嚴徐後別賜居舍銀器什物皆出尚方

中官壽考久任



中璫之久貴無過於蕭敬者年二十餘則已侍 英宗爲太監成化中入司禮自是數廢數起凡四秉筆四掌印幾五十年而退休禮數視大臣凡爲太監近七十年九十一而後死從孫舉進士爲少卿郎中二人錦衣復數人其次則劉永誠從 成祖兵間自後歷西陲大鎮總京營兵十餘始辭任入見復勉留之諸子封伯者一人爲指揮千戶者數人內臣至今豔稱之其次則張佐黃錦長司禮兼督東廠二十餘年鮑忠前後在司禮亦三十年七近九十而終

中貴人歷中外任

中貴人權震天下者柄司禮則王振劉瑾數將大兵則曹吉祥汪直然皆不克終惟張永初自春宮得幸上累加提督三千神機二營兼掌十二團營乾清宮掌事兼掌御用監提督尚衣司設內官二監整容禮儀甜食諸房并豹房浣衣局混堂司南海子出總督寧夏等處軍務特給金關防金瓜鋼劍還改司禮太監長監事再起掌御用總制提督宣大延固等處軍務還總理乾清大工再督團營兵馬從 上禦虜虜州爲監督機務從 上征寧庶人爲提督替畫重務罷閑復起長御用提督團營凡一縮司禮三縮御用

綏三督團營再摠大兵再扈 上領樞密出許便宜  
行事及撫鎮聽制父友科都督同知兄泰安伯富弟  
安定伯容右都督寰餘官復十餘人貴勢傾一時而  
名位不衰亦一時中人之翹楚也

其次則內官監太監鄭和以永樂四年率師二萬七  
千人駕海舶齎勅諭金帛行賚西洋瑣里暹邏等三  
十餘國皆隨使入朝所奉獻及互市採取未名之寶  
以巨萬計凡一破國都再虜逆命王一擒大盜酋凡  
二十年而首命提督南京守備至宣德八年復齎詔  
由陸路諭西番諸國今西南夷及世所稱三寶太監  
者鄭和也西北所稱劉馬太監者劉永誠也

弇山堂別集卷四

弇山堂別集卷五

吳郡王世貞元美著

皇明盛事述五

親王高壽

親王壽過八十者肅恭王貢鏞八十一瀋莊王幼學  
八十六益恭王厚炫八十二

若過七十者則晉莊王鍾鉉七十五魯靖王肇輝七  
十九莊王陽鑄七十六代簡王桂七十三寧獻王權  
七十一靖王奠培七十四岷莊王榭七十三唐敬王  
宇溫七十六襄憲王瞻墿七十三康王祐櫨七十六

德莊王見潏七十衡莊王厚燾七十一  
郡王過八十者慶成恭裕王表纘八十七鄆陵  
王睦枸九十餘者歷陽安僖王同鉉八十二東阿端  
懿王恭懋八十一內江莊懿王友藩八十二襄垣安  
惠王仕坯九十一子王成鏐九十二吉陽恭順王  
聰注八十安化惠懿王秩炆八十八襄陵恭惠王範  
址八十二子安穆王徵鈐八十三樂平定肅王冲熒  
八十二唐山恭懿王勛澂八十三鄆城恭端王彌銀  
八十富順王厚焜懷安王厚爓俱八十餘  
見任高年文臣

舊例文臣京職七十方面以下六十五致仕其過期  
而畱任者永樂中儀少宗伯智滿八十致仕正統中  
楊文貞士奇八十以首揆終天順初胡忠安澂八十  
二始以大宗伯得請王靖遠驥八十二復爲大司馬  
成化初王忠肅翱八十四猶爲太宰正德初馬端肅  
文升八十一始以太宰得請嘉靖初謝文正遷以八  
十復相明年致仕嘉靖末嚴分宜八十三始以首揆  
斥免其他若秦襄毅竑總三邊年七十九黃忠定福  
叅贊機務黃太宰宗載俱以七十八在任李韓公善  
長以太師得罪王端毅以太宰致仕俱七十七萬文

康以少師罷楊文定溥以少保卒時俱七十五屠簡  
肅僑以太保卒楊文襄一清以少師罷時年七十六  
楊興濟善封伯蹇忠定義吳榮襄中爲少師陳少保  
循在首揆王威寧越爲大帥俱七十三他不可悉數  
也隆萬中起左僉都御史海瑞年七十三按察使丁  
湛七十九南京工部尚書孫植七十八今見任者姜  
宗伯寶七十六楊太宰魏七十二傅司馬希七十一  
太僕卿崔文奎初爲寺丞滿九載年七十三例當退  
自陳守城功特陞少卿至八十三復自陳陞本寺卿  
八十六始致仕而蒯祥年八十餘猶爲工部左侍郎

黎澄八十爲尚書至欽天監例不引年又所不論也

### 大臣眉壽

大臣眉壽至九十者魏文靖驥九十八劉文靖健九  
十四王端毅恕九十三尚書胡公拱辰陳公雍大理  
寺卿葛公浩俱九十二嘉靖以來廣東按臣言致仕  
尚書湛若水年九十請賜存問已之又五年而卒末  
年喻尚書茂堅萬曆初王尚書學夔俱九十餘王以  
九十四應尚書大猷以九十五卒應公凡四遇優詔  
存問萬曆中南兵部尚書郭宗臯九十一存問加夫  
米其尚書以上至八十餘者胡忠安澗韓司寇邦問

蔣恭靖瑤方尚書鈍俱八十九鄒宗伯幹殷司寇從  
儉李太宰裕張太保子麟馮司寇岳俱八十八王恭  
靖璟潘恭定息俱八十七馬端肅文升林司馬瀚韓  
忠定文章文懿懋高襄簡友璣劉清惠麟嚴分宜嵩  
俱八十六單司馬安仁楊宗伯翥王靖遠驥孫司馬  
原貞王崇簡宗彛陶恭介琰趙康敏鑑李莊簡浩朱  
宗伯息焦泌陽芳俱八十五王文端直王忠肅翔崔  
司空文奎賈文靖詠朱恭襄希周孫司徒應奎何右  
都棟呂少傅本俱八十四黃文簡淮胡賓客儼劉宮  
保障薛司馬遠尹文和直陳太保金謝文正遷毛文

簡紀羅文莊欽順顧宮保應祥張恭肅潤胡司空松  
俱八十三陸康僖瑜尹恭簡旻李襄敏秉閔莊靖珪  
李恭襄鏊劉司寇纓李司空善王右都曠王太宰崇  
慶俱八十二徐宗伯瓊侯司空瓚洪太保鍾林司徒  
泮李司徒瀚周司寇倫鄭尚書紳徐少師階俱八十  
一俞司寇士悅苗文康衷何司馬鑑雍司徒恭王司  
寇鑑之鄧司徒璋孫司徒文楊司徒潭文莊靖淵孫  
宗伯承恩吳太宰鵬黃司寇中俱八十南京刑部錢  
邦彥九十 王左都廷八十五  
若三品京堂則禮部右侍郎錢習禮八十九戶部侍

郎王儼萬虞愷副都御史朱鑑大理卿夏時正八十  
八禮部右侍郎王士嘉右副都御史孫曰良八十七  
左副都御史吳訥刑部左侍郎曾翬南京工部右侍  
郎范嵩八十六禮部左侍郎陳璉太常卿兼學士吳  
節工部左侍郎龔輝八十五兵部左侍郎吳寧工部  
左侍郎蒯祥右副都御史王嵩八十四工部右侍郎  
潘禮太常寺卿夏景順天府尹王賢八十三兵部左  
侍郎陳臯謨禮部右侍郎趙求右副都御史毛理八  
十二戶部左侍郎韓福八十一工部左侍郎郝璜兵  
部左侍郎范欽府尹王弼八十今戶部侍郎林應亮

八十五正統丙辰進士古鏞天順丁丑以大理左少  
卿謫戍赦還至正德己巳猶在能躍馬豪飲時人謂  
之古進士考登科鏞以二十四登第至己巳又七十  
三年蓋得文王之歲矣

勲臣享封爵高壽

會昌伯孫忠宣城伯衛穎八十八鎮遠侯顧成恭寧  
侯陳珪寧陽侯陳懋會昌侯孫繼宗宣城伯衛錡八  
十五成安侯郭亮亦近之平江侯陳豫東寧伯焦禮  
永寧伯譚廣新寧伯譚祐八十二隆平侯張信八十  
一伏羗伯毛銳遂安伯陳韶子惠皆八十餘懷寧侯

孫鏜八十今英公張溶鎮遠侯顧寰亦如之  
都督同知吳良番將也以洪武中來降有功至成化  
時始卒年九十九蘇火耳灰乃靖難時舉槍擬太  
宗者爲童信射馬蹶被擒釋之累戰功至左軍左都  
督八十四猶請効用趙清守彰德不下 太宗釋之  
俾仍以都督僉事守邊年八十八卒有子九人長璟  
同時爲都督而琮珣瑛玆俱世襲指揮使李達八十  
八歲猶以都督守邊

高年人瑞

高皇帝詔諸耆老謁見而崑山周壽誼居首年一百

十六歲賜宴及鈔幣天順中召京師人百四歲茹大  
中入見便殿賜宴順天府賜冠帶襲衣 命禮部尚  
書姚夔造其第賀之成化中濟寧人王士能以百十  
六歲徵又七年終又 韓王奏群牧所千戶朱政曾  
祖信年一百六歲而終祖全一百二歲父鏞八十二  
歲見存三代皆以千戶致仕詔信全俱進階宣武將  
軍各賜羊酒白米二石弘治中吾州毛弼年百歲而  
孫澄狀元及第有司爲蓋人瑞狀元坊福建林知府  
春澤百歲時有司爲蓋百歲坊而子侍郎應亮年七  
十三孫學憲如楚乞歸侍又四年而春澤始卒今亮



八十五

舊德

黃文簡淮以永樂甲申右庶子主考會試後以宣德癸丑致仕少保謝恩主會試相去三十年謝文正遷以弘治乙卯入相至嘉靖戊子復召相去三十年費文憲宏以正德辛未入相辛巳再召至嘉靖乙未三召相去二十五年可謂舊德

丙辰兩狀元

吾吳朱恭靖希周弘治丙辰狀元盛德爲天下師表雖壽止八十四然及見嘉靖丙辰狀元諸大綬而沒

亦吾吳盛事也今少師徐公以癸未第三人及第至癸未沒之旬日而傳臚唱名不及見

驟貴

高帝不愛官爵以收天下賢才故有布衣或下僚徑超八座者別有紀七之茲則其遷轉之驟者三人於後大理寺右評事王雋以有過當罰上念其年少才美赦之超爲工部左侍郎尋進尚書予誥命御史凌漢上言闔外不宜專制召爲右僉都御史數日遂進右都御史吏科庶吉士楊靖使還擢戶部右侍郎數月轉左遂進尚書歷刑禮二部都察院左都御

史加太子賓客最隆委寄

洪熙楊文貞士奇以左春坊大學士進禮部左侍郎  
華蓋殿大學士再進少保少傅尚書黃文簡淮以右  
春坊大學士繫獄出爲通政司通政使兼武英殿大  
學士再進少保尚書武英殿大學士楊榮加太常卿  
兼謹身殿大學士再進太子少保尋加工部尚書金  
幼孜加戶部右侍郎兼武英殿大學士再進太子少  
保尋加戶部尚書宣德左庶子陳山進戶部右侍郎  
再進戶部尚書謹身殿大學士司經局洗馬張瑛進  
禮部左侍郎再進禮部尚書華蓋殿大學士首尾數

月內事耳正統曹狀元鼐以侍講入內閣進翰林院  
學士遂進吏部左侍郎兼學士居首揆景泰商狀元  
輅以侍讀入內閣進翰林院學士遂進兵部左侍郎  
兼大坊學嘉靖初主事桂文襄萼張文忠聰以義追  
崇 獻皇帝稱 旨俱超授翰林學士方文襄獻夫  
以員外霍文敏韜以主事俱爲侍講學士萼聰俱進  
詹事府萼爲吏禮左右侍郎尚書加太子太保再加  
少保太子太傅尋兼武英殿大學士聰爲兵部左右  
侍郎禮部尚書文淵閣大學士加少保再加少傅太  
子太傅吏部尚書謹身殿大學士累進少師太子太

師華蓋殿大學士獻夫進少詹事禮部左侍郎尚書  
加太子太保改吏部進武英殿大學士韜進詹事復  
遷禮部尚書不拜久之始爲吏部左侍郎南禮吏尚  
書召掌詹事府加太子少保預諫者席文襄書以南  
兵部右侍郎進禮部尚書加少保太子太保黃綰都  
察院經歷由南京刑部員外郎進光祿少卿大理少  
卿少詹事南北禮部左右侍郎遂進尚書兼學士黃  
宗明以運使進光祿卿兵禮左右侍郎熊浹以給事  
中出爲叅議進右僉都御史遂爲副都以至右都後  
至太子太保吏部尚書張桂等不五年而登大位八

年夏文愍言以吏科都給事中議 郊廟禮稱 旨  
進侍講學士少詹事禮部左侍郎尚書累加少傳入  
閣官至少師太子太師吏部尚書華蓋殿大學士其  
自都給事中至尚書只二年中事耳嘉靖末以撰玄  
稱 旨侍講袁煇進侍講學士吏禮左右侍郎尚書  
至少傳太子太傅戶部尚書建極殿大學士嚴訥以  
侍讀季春芳以修撰董份以左中允俱爲翰林院學  
士俱進太常少卿後訥至太子太保武英殿大學士  
春芳至少師吏部尚書中極殿大學士份至禮部尚  
書兼學士胡宗憲以御史禦倭進僉都御史遂進兵

部侍郎總督累加至少保太子太保兵部尚書兼都  
察院左都御史萬曆十年右贊善沈鯉超爲翰林侍  
讀學士俄遷禮部右侍郎改吏部轉左進禮部尚書  
首尾僅二年

成化中汪直所厚御史戴縉遷尚寶少卿不數月  
進右僉都御史遂爲左副及右都御史出爲南京  
工部尚書

正德中劉瑾所厚文選郎中張綵超爲都察院右  
僉都御史吏部尚書加太子少保西安府知府胡  
汝礪遷順天府丞府尹兵部左右侍郎督理宣府

兵馬糧餉以至兵部尚書衡州府知府劉機遷太  
僕少卿太常卿戶部右侍郎至戶部尚書朱恩由  
河南按察副使遷按察使布政副都南京吏部侍  
郎以至禮部尚書首尾只三年

### 早達

宋人春明退朝錄有記早達者年歲今倣之錄於後  
四歲洪舍人鍾以善大書舉入翰林肄業

五歲李文正東陽以奇童舉善大書屬對入翰林肄  
業

八歲至十歲程學士敏政楊文襄一清俱以有司薦

舉奇童弘治中董侍郎玘舉奇童不中格罷歸

九歲張寧陽王懋襲爵英國公

十二歲楊少師廷和舉鄉試大理寺卿朱奎太常卿任道遜舉奇童侍 東宮書

十四歲趙中丞時春中經魁楊少師一清中鄉舉

十五歲蔣文定冕中解元

十六歲王庶子臣登進士李少師東陽費少師宏何提學景明張太師居正劉侍讀虞夔中鄉試鄧寧河愈爲中軍先鋒

十七歲李少師東陽舉會試太常王學士獻張宮傳

梁王郡守廷翰舉進士馬工部拯余工部

毅中舉解元沐都督昂以戰功僉都督

十八歲王侍講洪陳修撰景著王兵侍備楊少師一

清趙中丞時春王參政慎中蔡侍郎汝楠俱第進士

奇童洪舍人鍾舉進士解學士縉中解元傳新德彥

庶士吉鄉魁內陳爲探花趙中會元

十九歲解學士縉范少宰理李詹事泰白中丞圻楊

少師廷和何少宰孟春陳中丞燿蔡尚書克廉俱舉

進士今王參政象坤中解元舒編修弘志中探花楊

元祥改庶吉士殷少保士儋經魁吳吉士鴻功解元

二十歲費少師宏舉狀元鄒司成守益倫司成以訓  
俱會元又與戴編修大賓俱及第何右都寶張學士  
益王中丞雲鳳胡司馬汝礪李司馬昆盛右都應期  
李司徒如圭何提學景明王太宰用賓王大司馬一  
鶚方少保逢時王方伯庭詩方伯象坤劉詹事虞夔  
俱登第

二十一歲喬少保宇項吏侍文曜邊尚書貢顧尚書  
璘方少保獻夫邊左都憲成進士徐少師階及第拜  
翰林編修金侍郎紳俞侍郎欽爲翰林庶吉士楊少  
師博胡司徒執禮馮方伯叔吉張中丞九一嚴太宰

清蹇觀察達俱中進士李慶陽中解元

二十二歲徐武寧王達爲統帥林修撰大欽狀元及  
第

二十三歲施修撰磐狀元及第

二十四歲郭太宰璉爲布政司參議

二十五歲鄧寧河王愈爲行省參政

二十七歲徐中山王達爲同知樞密院

二十八歲項文曜爲兵部侍郎李岐陽王文忠爲行  
省平章沐昭靖英爲都督同知沐定遠晟封黔國公

二十九歲鄧寧河愈爲行省平章馮宋公勝爲右都

督兼詹事韓襄毅雍爲僉都御史

三十歲徐太傳達爲中書右丞朱定襄王希忠加太保掌京營兵項公文暉爲吏部左侍郎

三十一歲鄧寧河王愈爲右御史大夫朱東平王能封成國公

三十二歲李岐陽文忠封曹國公徐太傳達爲左相國向右都寶爲通政使胡文穆廣以侍讀楊文敏榮以侍講入內閣

三十三歲常開平遇春爲中書平章政事解學士縉以侍讀入內閣于肅愍讓爲兵部侍郎朱成公希忠

加太傅

三十四歲鄧寧河愈封衛國公馮宋公勝封宋國公沐昭靖英封黔寧侯陳節愍洽爲吏部右侍郎彭少保時以修撰入內閣張定興輔以征夷將軍平安南三十五歲解公縉爲翰林院學士

三十六歲徐中山達爲中書右丞相封信國公張定興輔封英國公鐵公鉉爲兵部尚書李公友直爲刑部左侍郎許公觀爲禮部侍中許公廓爲工部侍郎李公實爲禮部侍郎孫公祥爲副都御史商少保輅以侍讀入閣胡司徒執禮爲太僕寺卿

三十七歲常開平遇春爲平章軍國重事封鄂國公  
夏忠定原吉吳公中爲尚書郭太宰璉爲工部右侍  
郎胡文穆廣爲學士黃文簡淮爲侍讀學士在內閣  
今劉公虞夔以太常少卿掌翰林院

三十八歲胡公子昭爲刑左侍許公思溫爲吏左侍  
王襄敏越胡公執禮爲右副都前劉公爲詹事

三十九歲徐中山達爲太傅封魏國公湯中山和爲  
中書左丞許公觀爲禮部侍中

四十歲蹇忠定義爲吏部尚書黃忠宣福爲工部尚  
書商少保輅爲兵部左侍郎在內閣費文憲宏爲禮

部侍郎申少保時行以少詹兼學士

四十一歲徐少師階爲禮部侍郎

四十二歲郭忠襄資爲戶部呂公震爲刑部俱尚書  
呂文懿原以學士入閣彭文憲時以太常少卿再入  
閣馬端肅文升爲大理寺卿李泰董文莊玘爲詹事  
費少師宏爲禮部尚書尹太傅旻徐少師階俱爲吏  
侍

四十三歲張太師居正爲武英殿大學士胡少傅澐  
爲禮侍郭少傅朴爲吏侍孫燧爲禮侍申少保時行  
爲禮侍加太子賓客



四十四歲呂公震爲禮部尚書趙公玠爲刑部尚書  
白公圭爲工部尚書張居正加少保太子太保林尚  
書爓爲吏部侍郎申公時行以太子賓客吏部左侍  
郎爲文淵閣大學士王太保錫爵爲詹事府詹事今  
李公長春爲南禮部右侍郎

四十五歲白恭敏圭爲工部尚書王襄敏越爲右都  
御史費文憲宏方文襄獻夫加太子太保俞肅敏子  
俊爲兵部尚書張公綵爲吏部尚書董公玘殷公士  
儋爲吏部侍郎王公錫爵爲禮部侍郎

四十六歲陳節愍洽胡公汝礪爲兵部尚書熊公槩

屠太傅瀟胡少保宗憲楊少師博爲右都御史呂少  
傅本爲少詹事入閣殷公士儋爲禮部尚書

四十七歲謝文正遷以詹事入閣趙公榮張公濬俱  
爲尚書徐公階爲禮部尚書楊公博爲兵部尚書加  
太子少保高公燿爲戶部尚書張公居正加少師中  
極殿大學士居首輔陳公經邦爲禮部尚書

四十八歲陸康僖瑜爲刑部尚書王襄敏越爲左都  
御史項襄毅忠俞肅敏子俊爲右都御史劉文穆吉  
以禮侍入閣徐公階申公時行加太子太保呂公本  
以內閣加禮部尚書殷公士儋加太子太保萬少保

鐘為南院右都御史谷公中虛王公遴汪公道昆為  
兵部左侍郎曾公省吾為工部尚書王公弘誨為南  
禮部尚書  
四十九歲劉太保珣以吏侍李少師東陽以禮侍俱  
入內閣王少保越白宮傅圭俱加太子少保蔡公克  
蕪為戶部尚書殷公士儋加少保武英殿大學士申  
公時行以少傅居首揆王公家屏以吏部左侍郎兼  
東閣大學士趙公賢為南吏部尚書劉公一儒為南  
工部尚書

五十歲李韓公善長為左丞相李文達賢以吏書入  
內閣俞肅敏子俊為兵部尚書王文成守仁以尚書

封伯楊文忠廷和加少保彭文憲時姚文敏夔倪文  
毅岳夏文愍言及林公燠為尚書桂文襄萼為吏部  
尚書王襄敏越翁襄敏萬達為左都御史楊公博與  
胡公宗憲俱加太子太保郭公朴加太子少保禮部  
尚書申公時行以少師華蓋殿學居首揆  
五十一歲徐天全有貞封武功伯為華蓋殿大學士  
居首揆

晚達

劉文介儼四十九魯學士彥五十四唐學士臯五十  
八焦竑五十俱登狀元魯祭酒鐸四十五登會元王

祭酒激以四十九登進士近金司業達以五十八會  
元及第惟張文忠四十七舉進士六年大拜任師臣  
者十二年錢文肅習禮以練子寧姻累三十九始中  
解元登第入翰林歷清華之務而近八十猶爲學士  
五品轉禮部侍郎歸湛文莊若水亦以父累故四十  
會試入翰林至七十餘始拜尚書二公皆登上壽立  
文莊濬張文簡壁七十餘始入閣焦泌陽芳七十餘  
始以侍郎拜太宰王太保璟陳簡肅瓚七十餘以侍  
郎進左都御史楊尚書翥八十餘以長史進禮部左  
侍郎袁景襄宗臯近七十以長史爲吏侍周侍郎詔

近八十以紀善拜少詹事

文貞竒遇

楊文貞公士竒不由科目以布衣薦輔導 東宮居  
內閣首揆典制草詔定大禮授冊二總裁 國史主  
會試及京試各再備極儒林之榮可謂遇矣

三元

國朝商少保輅正統乙卯領解浙江乙丑爲會試廷  
試第一人士林豔羨商公年二十二發解十年而成  
進士四年而以修撰入閣七年而以兵侍歸七十年  
而復入七十年而以少保歸又十年乃卒尤爲竒也

會元狀元

許侍中觀洪武吳宗伯寬成化錢修撰福弘治倫宮

諭文叙弘治內文叙鄉試復第三人

解元會元

黃太常子澄洪武施御史顯洪武陳僉事璩樂

戊子林宮諭誌樂洪右都英未楊司徒甲

巳丑姚太宰夔正統王少傅璠成化諸吏侍

權成化汪宗伯俊弘治李太史廷機隆慶

內林誌楊鼎李廷機俱廷試第二王璠廷試第三

解元狀元

吳學士伯宗洪武林侍講環樂蕭修撰時中

陳少保循未柯少詹潛正統彭侍

講教天順謝少傅遷成化李少宰旻成化楊

光祿惟聰正德內陳循彭教會試第二人謝遷會

試第三人

三試魁元

鄉會試俱五名之內廷試三名之內除前所紀吳王

陳彭謝李六人外花解元綸會試殿試俱第三楊狀

元慎鄉試第三會試第二陳會元瀾表會元熿俱鄉

試第二廷試第三王會元錫爵鄉試第四廷試第二

金會元達鄉廷試俱第三靳解元貴會試廷試俱第  
二謝解元丕會試第四廷試第三

陶大史望齡鄉試  
第二殿試第三

狀元入內閣

宋樂狀元胡文穆廣陳芳洲循宣德馬侍郎愉曹文  
忠鵬正統商文毅輅彭文憲時成化謝文正遷費文  
憲宏弘治顧文康鼎臣嘉靖李文定春芳及今申公  
時行凡十一人入閣而不得大學士者馬公及曹公  
也官大學士而非入閣者吳公伯宗也入閣又為大  
學士而止五品者胡公也

狀元一品

少師前費公少傅前謝公李公少保前陳公商公彭  
公顧公成化狀元太子太傅張公昇弘治狀元太子  
太傅毛公澄嘉靖狀元少師申公時行凡十人

狀元二品

洪武狀元禮部任尚書亨泰許侍中觀諫敕天順南  
京禮部黎尚書淳工部謝尚書一夔成化禮部吳尚  
書寬南吏部王尚書華弘治南吏部朱尚書希周嘉  
靖南禮部秦尚書鳴雷凡八人

狀元三品

前侍郎馬公曹公及景泰狀元孫太常鄉賢成化李

吏侍旻正德呂禮侍柎楊光祿惟聰嘉靖茅吏侍瓚  
隆慶諸吏侍大綬丁吏侍士美羅禮侍萬化凡十人

榜眼入內閣

永樂苗文康衷正統陳莊靖文呂文懿原景泰徐文  
靖溥萬曆呂少傅調陽王太保錫爵又潘太保晟味  
凡七人

榜眼一品

自內閣徐公溥呂公調陽外天順太子太保禮部尚  
書徐瓊萬曆太子太保禮部尚書潘晟太子太保大  
學士王公錫爵凡五人

榜眼二品

自苗衷陳文二公外永樂交趾左布政使張顯宗備  
遷正統太子少保戶部尚書楊鼎太子少保禮部尚  
書周洪謨成化南京吏部尚書楊守陟南京吏部尚  
書黃珣正德太子少保禮部尚書白鈇禮部尚書劉  
春嘉靖南兵部尚書劉龍南禮部尚書孫陞凡十八

榜眼三品

洪武工部侍郎張顯宗永樂禮部侍郎杜寧成化禮  
部右侍郎程敏政禮部右侍郎費閻弘治禮部左侍  
郎王瓚吏部左侍郎董玘正德禮部左侍郎蔡昂嘉

靖南兵部右侍郎王教吏部右侍郎程文德禮部左侍郎瞿景淳萬曆吏部右侍郎陶大臨南京吏部右侍郎趙志臯凡十二人

探花入內閣

正統劉文安定之岳文肅正成化王文恪鏊弘治靳文僖貴嘉靖徐文貞階袁文榮煇萬曆余少傅有丁凡七人

探花一品

自王鏊靳貴徐階袁煇余有丁五公外嘉靖少保太子太保禮部尚書吳山凡六人

探花二品

正統南京禮部尚書倪謙景泰南京吏部尚書王與天順南京禮部尚書鄭環成化南京禮部尚書董越弘治戶部尚書李廷相萬曆南京禮部尚書林士章凡六人

探花三品

洪武右副都御史練子寧成化詹事府詹事陸簡弘治吏部左侍郎謝丕正德禮部右侍郎崔桐嘉靖南太僕卿歐陽衢太常卿胡正蒙禮侍黃鳳翔凡七人  
會元入內閣

前商公輅岳公正劉公定之王公鏊景泰彭文思華  
成化梁文康儲正德張文隱治今王太保錫爵及袁  
公煇凡九人

會元一品

前少保商公少傅王公少師梁公太子太保張公少  
傅袁公太子太保王公凡六人

會元二品

前吳文定公彭文思公及永樂洪右都英正統楊戶  
書鼎姚吏書夔成化章禮書懋弘治汪禮書俊正德  
霍禮書韶嘉靖陸禮書樹穀凡九人按會元至太宰

者一人而狀元遂闕

會元三品

洪武太常卿黃子澄前侍郎劉文安公及成化費禮  
侍閻儲吏部瑾弘治董禮侍玘正德邵太僕銳嘉靖  
李太僕舜臣瞿禮侍景淳胡太常卿正蒙

田禮侍一雋凡十人

狀元得謚

狀元得謚者胡文穆廣曾文忠鶴劉文介儼商文毅  
輅彭文憲時黎文僖淳謝文莊一夔羅文毅倫張文  
僖昇吳文定寬贊文憲宏毛文簡澄朱恭靖希周顧  
文康鼎臣呂文簡楠羅文恭洪先李文定春芳諸文



懿大綬丁文恪士美凡十九人

會元得謚

會元得謚者劉文安定之楊莊敏昂姚文敏夔岳文  
肅正彭文思華章文懿懋王文恪鏊梁文康儲魯文  
恪鐸儲文懿璣汪文莊俊董文簡玘邵康僖銳鄒文  
莊守益霍文敏韜張文毅治表文榮煒瞿文懿景淳  
井前商公吳公凡十八人

榜眼得謚

榜眼得謚者苗文康衷陳莊靖文呂文懿原周文安  
洪謨徐文靖溥黃文僖珣白文裕鉞劉文簡春劉文

安龍王文定瓚孫文恪陸程文恭文德呂文簡調陽  
陶文僖大臨井前劉楊鄒瞿凡十九人

探花得謚

探花得謚者倪文僖謙王文肅與董文僖越靳文僖  
貴李文定廷相徐文貞階吳文端山井前王表凡九  
人

武舉首至通顯

武舉始自弘治十四年其居首選者曰會元如近世  
尹鳳王世科之類亦俱至都督僉事若名位之顯者  
曰許恭至左都督封安邊伯安國至都督同知贈左

都督賜謚武敏王佐以錦衣都指揮使贈右都督三  
人皆有才望而恭不克終

弇山堂別集卷五

